

Nikarawara upla nani raitka pura kaiki
uplika nani ba bui mihtamra mangkisa aima
walhwalra naha wauhkataya na naha pas
smalkanka wauhkataya 1991 ra param
sakan kan, bara naha na tanka kaikaiara
mangkan kan naha wina wapni daukan,
ai sinska laka brin ba wal, mani 22 praiska
ba luan naha warkka na wal ta brabrira mairin
bara waitna nani aikuki, baku sin upla raitka
nani ta brabrira nani sin wan tilkara kan Aisa, César Jerez.

Yawan bila kaikisa naha na wark dukia kum
yamni kabia upla sutra ya uplika nani mihtara
wabia bani ba baku sin upla bani ai lukanka nani
mangkan bani ba naha warkka na yawan kli wan
mihtara diara tara kum brin kabia naha wal sip
kabia kankahbi wan raitka tawan aisaia.

Naha warkka na karnika brisa upla nani
raitkara tabaikaia ban sakuna upla wina sin
hilpka nitsa ai kainara waia.
Baha mita kasaksa yawan nusa ani ba wan
respikka bara dia laka nani brih auya ba
ai respikka dukiara aisaia.

RAITKA KUM TAWAN AISARAS BAI!...
BAHA SIKA RAITKA TIWISA!

UPLA NANI RAITKA ASLIKA NIKARAWA KUNTRIKARA

CENIDH




YAWAN MAIR

IN BARA WAITNA SUT WAN RAITKA BRISA
KUNA RAITKA KUM KANKAHBRAS BA
BAHA SIKA RAITKA TI WIBA

UPLA NANI RAITKA

Yabal ba




INAHA NANI SIKA YAWAN RAITKA!



Lahlakira nani ba kau ai raitka brisa upla umpira nani ba wal. Baha ba wan nakra kwaki kaikaia dukia apia sa, param sa, baha ba baku sa bara bansa sin!...

Baku talyasa kuna yawan sut wan raitka wal baku brisa bara naha na paki waia sa baku sin kan kahbaia, rispik munan kaia ba dukiara. Upla raitka ba UPLA sut dukia sa, Lahlakira bara umpira kabia sin, Waitna nani, mairin nani, tuktan mairin, waitna sin sut.

- ▶ **UPLA BA AI RAITKA BRISA RAYAKA BA DUKIARA BAMAN. AISUBI TAKUYA WINA PRUBIA KAT, UPLA BA AI RAITKA BRISA AI WINA BA KAT. UPLA RAITKA NANIBA NAHA NANI SA KASAKKA LAKA UPLA NANI SUT RA.**



Baha raitka nani ba gabamint nani mihtara sa, kum kum ba maikras sa bara wala nani ba, maikisa ai kupia laka kat...

Upla kumi sin apia, kuntri uplika nani sin apia, gabamint, sin apia, upla raitka ba dakbaia. Upla kumira sin sip taibi munras ai raitka ba swiaia.

- ▶ **KUNTRI NANI SUT BA, UPLA NANI RAITKA BA KULKANKA YABAIA SA BAKU DAUKRAS KABIA SA KAKA, BAHA RAITKA BA RAUSAUHKISA, KUNA SIP SAUHKI TIKRAS SA. UPLA NANI RAITKA BA SIP DAKWI TAKRAS SA UPLA BA WINA.**

UPLA NANI RAITKA

Yabal ba

Gabamint nani bara sa bara karnika alki nani sin naha raitkara uya lukras sa, ban kum kum naniba lukisa...

Yawan sut ba wan raitka brisa kaka, baha raitka nani ba rispik munan kaia sa, upla sut ba bui. Kuna yawan pat nusa diara aisi bawina alki daukaia bakatba yabal kum prawan sa. Upla kum ai raitka nu taim bara ka kahbaia nu taim, bara tawan aiklabisa pyuara, sipsa naha trabilka nani ba pura luaia.



▶ **WAN RAITKA NANI BA UPLA SUT DUKIASA. UPLA RAITKA NANI BA TASBA AISKARA SA. BAKU SIN UPLA SUT BISNISKA SA KAINA KAIIKAI BARA YAKA ALKI DAUKAIA.**

Damiki bila plun piaia raitka ba, baha ba kau tarasa, kuna yang lukisna ani taura ba taurasa bara anira wan aisankara rispik munras ba, raitka kumi sin apusa wala wal prakaaia.

Aima banira, yawan kahbisa, upla raitka ba raitka wala nani purara. Upla kum kum baku daukisa ai kupia brinka bakat. Kuna upla raitka sut pali ba, wal baku tara, baha mita yawan sut aikuki kankahbaia sa.



▶ **UPLA RAITKA BA DIARA KUM AISKARA PRAKISA, RAITKA KUM BA KAU TARA APIA SA WALA NANI SUT TILARA. UPLA RAITKA NANI BA TA MANGKANKA KUM BAKU SA, WALA BA WALARA TABAIKISA. UPLA NANI RAITKA BA SIP DAKWI TAKRAS SA.**


Upla raitka nani ba, naha sa: wan iwanka, wan lukanka bara diara daukisma nani ba, wan rayakara nitka nani bara ba pawaiia sut dukiara, wan rayaka impakanka aiskara. Wan rayaka nahkira iwiba, baha sutba yawan sut wan bisniskasa, wibia sa kaka, upla sut tilara, kuntri kumra baku sin tasba aiskara.

UPLA RAITKA NANIRA LUKISMA BA TANKA SIKA UPLA SUT BA WAL BAKU RA LUKISMA




**KIAMKA NANIRA LUKRASKIRA,
MANKA NANI, MAIRIN SAPA, WAITNA SAPA
ANI KUNTRIKA WINA KRA, PRIASKA KRA, AI
IWANKA KRA APIA KAKA AI LUKANKA BARA
AISANKA SUT**

UPLA NANI RAITKARA LUKISMA BA SIKI, MAN KULKISMA



- Wan kuntri karnika bri ba yawan bui siki yabi ba, baha mita witin karna sa.
- Wan kuntri ba ai bisniska siki tawan asla daukaia yamni iwaia dukiara, upla raitka nanira rispik munaia.
- Yawan sut wan bisniskasa tabaikaia wan kuntrikara naha raitka nani ba alki daukbia dukiara.



AMYARA BRIS: Baku yawan raitka briba baku, wan bisniska nani sin brisa wan kuntrika wal

Pliki saks aisanka yukuwanra bara ba

U P L A N A N I B A 1 3 8 5 9 5 2 5 3

U P L A N A N I BARA 10 7 2 5 3

8 1 9 3 7 10 5 3 8 5 9 5 1 2 1 3 4 5 6 7

A P I A 6 1 14 7 15 9 5 15 11 5 10 7 12 5 16

U P L A N A N I R A I T K A 16 3 11 10

9 1 3 8 1 4 7 5 2 7 3

6 1 9 1 15 12 7 3 12 13 14 5 10 7 3 10 7

12 5 16 6 1 14 7 15 9 5 15 11 5



Sturi nani pat paskan ba, numba banira baha ba ulbanka kum dukia sa.

Tanka kum: numba kumi(1) ba ulbanka kum dukia sa E, wala ba, 2 ba L ulbanka mankgs numba banira, baku sturi kum sakma

Lukaia bara aisi kaikaia


- ¿Dia satka raitka barasa?, ani nani dukiara aisan walram? Nikarawra?
- Rispik munisa ki upla raitka ba waitna bara mairin nani sut. Aisas
- Dia tanka kum nusma ki, Nikarawara apia kaka, plis wala nanira, kiamka wala ba tawan rausauhkanka nani? Bara kuntri wala wina mita? Prias wala wina nara wisi? Bara uba Lahla bri ba tawan apia kaka uba umpira bamita
- Man kaikankamra, dia sipsa daukaia upla raitka rispikka laka babriaia?
- ¿Dia lukisma? Wan raitka brisa ki kikaia?
- Swakwaia? Bara yaprisauhkan kaikaia ? kupia kraukaia? inaia? Sap kaia? Yakan kaia? ¿Nahki sipsa naha raitka na ban brikaia?
- ¿Dia asla takanka bara karnika nani nusma Nikarawara wark takisa upla raitka nani dukiara? Man dia nusma baha nani dukiara?
- Manra mankabi walbia kaka, diaba upla raitka, dia wima ki?



STURI ALMUK NANI RIA...



Upla untara iwikan ba swin wina ban ai pata pliki tauki kan, baha wina witin takrikan mamangkra takaia, plis kumira iwan, lukanka sat sat nani ba sahwan: marin nani ba sait wala ra wark takisa wark kum kumra bara waitna nani ba sin ai manka. Kum kum ba antin takikan, wala nani ba mamiskra kan, bara wala nani lika plun wauhwi kan. Kum kum ba diara ailal brikan wala nani ba diara ria baman brikan.



Yawan upla wan sturka ba mark munan sa aiklabanka kum ya kau diara briba apu nani ba diara sakaia kau yamni rayakaia dukiara. Mayara uplika nani ba purara uplika nani mapara aiklabi kan. Aiklabanka ba ban ai kainara wan kan, lukanka karna, ai tanka briaia karna, diara nani kum kum ra. Naha nani sutra upla nani ba taibi munan kan ai raitka ba rispik munbia wisi. Witin nani aiklaban raya kaia, plun piaia, wark takaia dukiara, dia ai kupiara lukiba dukiara, ai dawankara mayunaia dukiara...

Handat mani Yumhpa, walhwal baku, kau Kraist aisubras kainara, witin nani aisan DEMOCRACIA dukiara Yurup tasbaya ra, Greciara. Kuna wala ba democracia kum "upla pri nani baman ra kan". Baha pyuara nanira tasba nani banira alba nani milian ra bara kan . alba kum ba ai dawanka dukia kan, diara sut purara, atkaia kaka apia kaka ikaia kabia sin, alba nani ba daiwan tim kum baku kan apia kaka tibil kum baku. Kan upla apia baku kulkikan ba tawan, raitka kumi sin apu kan.

Upla ba ban pri taki wan tawa tawa alba laka saura ba wina asla takanka baku naiwa kat sin, kuntri kum kum bara sa diara nani ba sat takan kuna mairin nanira bara tuktan mairin nanira alki rausahkanka laka daukisa. Ruman nani ba grik uplika nanira kupia alkan bara alba lakaba ban ai kainara impakankan. Alba nani aiklabanka ba ai raitka ba briaia dukiarakan, naha na sturi yari sa, yarka wan kupia krauki kap. Diara sut ba aiklabanka sa.

UPLA NANI RAITKA

Yabal ba



upla tausin ra, bara nisan nani sin, nisan nani aiska sut, yaban upla ba naiwa kat upla baku sa.

500 mani nani, luan ra nahki ispail nani América, tasbaya nanira dimi brin bara alba lakara laki indian nanira brin ba baku, Nikarawa nanira sin baku munan, witin nani wark takan pruan kat. Handat mani ninkara ispail nani bara ispail wala nani sin alba nani ailal bri balan kan América ra, milian ra Áfrika. Uplika siksa nani brih balan kan, wan indianka nani sin rausauhkankan handat manira daiwan baku,raitka kumi sin apu kan. Upla siksa nani bara indian nani wal aikuki mapara buanka dauki kan aima banira naha laka ba sut luan bara nanara yawan plikisa pri laka bara wan raitka sin. Alba nani ba handat mani nanira aiklaban bara natka ailalra kuntri aiskara bara alba laka ba swiaia, naha diara nani sut tilara upla umpira nani sin bara kan, untara wark taki nani ba sut, alba nani, diara papaskra nani , mayara uplika nani sin sut ba ban purara kan. Mani ailal aiklaban, pura luanka bara umpira laka apukan.

Upla nani raitka ba pawu takan upla ba wina, sins laka ba, prias nani bara upla lukanka ba, upla nanira luki kaikan, bara lukanka kum bal takan, baha sika upla nani raitka sakuna naha na aiklabanka tara wina takan, yawan ulbanka nani sipsa sakaia, nina ba, bapanka nani, la nani; paskanka nani, aisanka nani, aisanka nani wan kuntrikat bara lata tanira sin la karnika bawal.

Wauhtaya nani satka ailal bara ba tila wina, aisansa la nani nahki upla raitka ba kankahbaia ba yawan nuapu pyua nani wina budista laka nani ba bara sa“uplara diara munpara man

diara want apia sma dukia ba. naha laka na tisku kan bara kristian nani tilara mangkan kan. Kristian nani tilara aisanka kum sakan ba upla sut ba simsat sa Dawan nakrara. Ingran kuntrika lakara ulbi mangkan kan mani 1215ra, King Han pyuara tasba apu taka ai rayakara taibi munan kan umpira nani hilpkara la nani ailal mangkaia naha na ai kainara ban impakan, upla ailal nanira naha ulbanka na wankan. Naha na King karnika kum kan la nani mapara. Baku sin naha na la playa kum kan kaina pyuara. Ba mita kuntri laka nani ba, nina makan kan wauhtya tara kum.

Tnaya uplika nani aiklabanka ba bara bapanka nani wina tnayara bangwiba bara yamni iwanka wina sin ai rayakara trabil ailal brin kan, tasba aiskara Naha aiklabanka nani taka mita la nani ailal takan upla raitkara luki.

Handat mani nani 18 praiska luan, 223 mani praiska ra auyasa, Franciara AIKLABANKA KUM BUAN KAN, naha tilara yYurup bara Amirika sin diman, winanka kum sakan kan PRI LAKA, WAL BAKU BARA MUIHNI LAKA bara 1789 mankara UPLA NANI RAITKA BARA WAITNA RAITKA NANI SIN, bapankan gabamint nani ba upla nani raitka ba yabia dukiara. Lahlakira nani ba karnika alki nani mapara aiklabikan naha bapanka na ai taura bri muni.

Baku sin tara sa luki waia kuntri pulitikka ba, baku sin upla nani lukanka ba, ani pyuara uplara ban wina alki rausauhkiba bara ai mayunanka nani karnika alki nani dauki ba.



UPLA NANI RAITKA

Yabal ba

Baku bal takan kuntri laka wauhkataya nani ba, SIBIL NANI RAITKA BARA UPLA SATKA WALA NANI SIN, upla nani sut ba ai raitka brisa kuntri bilara. Francia nani aiklabanka ni aibangwan kan, inglis kiamka nani hil bara kiusi purara nani lukanka King karnika mapara bui Virginia tasbaya kir biaia lukanka (Estados Unidos de Norteamérica), uplika nani yauhrus kati 12 ba karnika yan kan 1776ra aisanka tara ba sakan kan upla raitka dukiara Virginia tasbaya ba paskansa uplika nani ba bu,ai laka silp paskan brisa,ai kuntrika wauhtaika sin silp karna daukan sa param pali bara yakanInglan wina bara King karnika ra kulkras kira.



Francia aiklabanka luan pyua kat sin aiklabanka ba ban kan. Handat mani 19 nanira aiklabanka raya nani takan kan wark tatakra nani tasba aiskara uplara rausauhkanka nani ba dukiara lahlakira nani mapar.

Wark takaia raitka nani ba, smalkanka kum briaia bara wan wina yamni braia laka ba takan kan nina ba “Revolución Industrial” (wark nani aiklabanka) ba wina dakni wala baiwi takanka ba sin, umpira lakara bangwikan nani sut. Wark tatakra nani ba blahwikan ai raitka dukiara lahlakira nani ba mapara kan raitka ba yaia wan tapia kan ba mita. Ai rayakanani ba kau ria bitar daukaia dukiara se aiklabankaba takan kan 1917),mankara pastara katira (Rusia) kuntrikara nahara aslataklanka kum takrikankan baha ba sika wal asla iwanka (socialista) naha minitkara satka wala takanba (Unión Soviética) y que naha sika tabrih wan kan ba1918 mankara.

Naha warktatakra nani aiklabanka ra ai raitka dukiara aisikan ba AI IWANKA RAITKA, AI MANA RAITKA, BARA AI NATKA DUKIARA SIN bara kuswa kati 1918 ra karnika yaban kan la tanka bakt upla nanira,warktatakra nanira bara rausahkan nanira sin.

Kuswa kati 1917, mankara Mexico laka waunhkataya ba aiklabanka ba wal kumira yamni takan, karnika yan RAITKA NANI MAKABI NANI BA DUKIARA LAHLA BISNISKA, AI IWANKA BARA AI NATKA SIN.


Naha taka, lahla bisniska raitka nani ba, ai iwanka bara ai natka nani ba baiwi takan kupia kumi lakara aiklabanka nani wal aikuki, bara naha lukanka bawal tabrin wark tatakra raitka dukiara paskanka kum daukaia dukiara baku sin naha na lata saitkara kat yaban takiwan kan 1919 mankara. Naha pyua ba wina upla raitka ba wark tatakra nani ba, bara asla takanka wala nani sin. Sibil nani raitka bara pulitik nani raitka wal ba kankahbisa kaka kuntri laka ba bui uplara rausauhki ba baku muni uplara tabaikisa wisi aisiba, pri laka dukiara aisi ba wan wina kat kankahbaia ba dia takisa, Lahla bisniska nani ba, wan iwanka nani bara wan natka nani tawan upla sut ba wan kuntrira karna aisaya ba, wan rayaka: wan wina yamni kaia laka ba, utla nani dukiara, wan skulka, wan warkka bara wan pulanka, diara wala nani sin sut.

Weimar laka wauhkataya 1919,ra Alemaniara baku sin hilp munan tanka aiska ba wal nukaia ba tawan lahla dukiara wan iwanka bara wan natka ba. Naha laka bukkara ba asni ra wama raitkam dukiara aisi kaia bara mairin nani raitka sin wal baku raika bara ai warkka ba param aisi sa param pali mairin nanira wark dukia baku, tilara kaia upla nai ba wal naha wal sin marikanka kum yarka takrikaia diara ailal ba dukiara.



Ana Martínez ba ai cédulika dukiara karna aisisa

1945 mankara, tasba warka aima wal aiklaban luan ra, nisan sut asla takanka ba paskan akan (Naciones Unidas, ONU) asla takanka kum baku kuntri wala nani bara ba sut asla daukaia dukiara bara yarka bara kaia tasba aiska ra laman laka bribalaia dukiara ta baikiaia upla raitka ba dukiara nisan an bara ba sut dukiara.



UPLA NANI RAITKA

Yabal ba

Nisan nani asla takanka (Naciones Unidas) nani laka wauhkataya ba karnika yanba baha baman kan bila kaikanka kum bara kan ba upla raitka nani ba alki briaia dukiara.

1948 mankara ONU ba aisanka kum sakan ba aisanka tara kum aiska sut upla nani raitka dukiara (DECLARACION UNIVERSAL DE LOS DERECHOS HUMANOS) naiwa kat baha ba kulkanka tara yabisa tasba aisaka bara nisan nani sut pali sin.

1966 mankara ONU bui karnika yan sibil nani raitka bara pulitik nani raitka sin baha wina LAHLA BISNISKA RAITKA, WAN IWANKA RAITKA BARA WAN NATKA RAITKA SIN YAN KAN.


Kau bisi mapa ban aisi balan UPLA NANI RAITKA BA. Nisan nani sutba, tara bara sirpi, rits apia kaka umpira pali, ai raitka brisa silp diara daukaia, ai karnika bri ba wal, laman laka wal, pawanka ra baku sin ai tnaya kir klin laka ba wal.

Tasba piska kumra. kuntri uplika nani ba 1948 mankara (OEA) ba paskan bara karnika YAN AISANKA KUM UPLA RAITKA BARA BISNISKA BARA WAITNA RAITKA.

1969, mankara San José de Cost Rica, América tasbaya uplika aihkika ba sain munan asla takanka tara América tasbayara briaia dukiara UPLA NANI RAITKA DUKIARA, naha nina ba, ban makankan SAN JOSE AISANKA. Nahara kaikankan sibil raitka bara pulitik raitka ba wal, kuntri kum uplika ra nahki rispik muni ba diara sut ba yamni brih waia dukiara.

Nubimba kati 17 yua 1988, mankara aisanka wala kum sain munan kan Americana uplika nani ba wal upla raitka nina “SAN SALVADOR AISANKA” UPLA RAITKA NANI LAHLA BISNISKARA, WAN IWANKARA BARA WAN NATKA DUKIARA SIN naha na kau raya sa Nubimba 16, 1999 manka ba wina Nikarawa ba kli sain munan kan Disimba 15, 2009 mankara.

Raitka nani an ba asla takisa:



Trai muns, wahya 3 ra baku sin wahya walara sibil raitka bara pulitik raitka, wal lahla bisniska, wan iwanka bara wan natka, baku sin upla nani sut raitka ba.

DAKNI NANI RAITKA DIARA KUM KUM RA

Sturi nani bak ku aiklabanka raya nani takisa, baku sin raitka nani sin...

UPla nani raitka ba plis kumira mangki swiras sa. Ani yua ra nitka wala nani wan yabalka nanira taki bara, diara raya nani bara aiklabanka raya nani takisa, raitka raya nanisin. Sim baku naha raitka nbani ba pawu auya sa, wan rayaka dia makabi bakat

Universalidad ba bara upla raitka sip kaikras tihmiara baku briba asla takanka kum bui sain munan ba naha na aitani apia sa diara kum karna daukaia, dakni nani kum kum raitka ba, naha nani baku: mairin nani, tuktan nani bara, wahma tiara nani, baku sin upla almuk pali nani, kahwa nani, indian tasbaya nani bara upla siksa nani, upla trinsar nani, bara wala nani sin. Tnayara lakanka laka (discriminación) bara satka wala laka naha aslika nanira, kan naha nani sika kau swapnisa, lukanka nani kum kum bapan sa asla takanka nani ba bui, kupia kraukanka nani bara wapni daukanka nani kum kum lata tani asla takanka nani ra, wan laka nanira bapanka nani ku kum bapan natka nani pliki, la nani dia aisanka daukaia ba kat daukaia dukiara



MAIRIN NANI

Noelia Lacayo ba la witka tara mapara bapisa mairin nani tuktan ai biarara ba wina iki saki ba laka mapara

Upla nani raitka tanka ba, upla nani mapara prah daukan kan- kuntri ta bri uplika nani ba bui bara rausauhkanka laka nani ba sin upla nani sut mawanra. Witin nani marikan, baha bara wala nani sin, manira pamalira rausauhki balan ba tilara baku sin, mairin nani mapara, naha na rausauhkanka baku kaikras kan. Ban sakuna, upla raitka nani ba alki dauki rispik muni auya bara mita bara asla takanka nani karna bui makabi ba mita lata tanira laka nani ba aikuki, kan kahbanka nani sut ba tilara mangkan sa mairin nani raitka ba dukiara naha dukia nani ba wan kuntri ta bri nani mawanra kahban kaia sa, tnaya dukia kum baku: (maya nani, lila nani, pamali nani baku sin, ya uplika kabia sin).

Lata tani laka mairin nani raitka kankahbanka dukiara aisi ba kau diara kum tara sa kaikaia AISANKA KUM BRIAIA RAUSAUHKANKA NANI SUT SAUHKI TAKAIA NATKA SUTRA MAIRIN NANI MAPARA DIARA YAMNI APIA NANI DAUKI BA- ONU bui 1979 mankara baku aisi daukankan, naha sika kli aima walara upla nani naha asla takankara nani ba bui sain munaya ba dukiara kan ba.

Yauhrus kati 1993 mankara, aisanka tara kum brin kan Viena tasbaiara wan raitka tasba aiskara bri ba dukiara, naha aisankara mangkan kan bara ai bapankara mangkankan, Mairin raitka ba bara tuktan sirpi raitka sin baku ra upla raitka ba kau karna takisa, upla ailal lukisa kuntrira karnika bri nani baman sipsa upla raitka ba sauhkaia. Ban sakuna upla wala nani sin mairin raitka ba sauhki tikisa yukuwanra.

Yauhrus kati 1994 mankara America uplika nani ba asla taki karnika yaban, mairinra rausauhkan ka ba sauhki tikaia ba, diara kum sip tnyara tauras dukia sa, pawankara lukbia sa kaka tawan iwanka baku baku sin asla lakara lukbia kaka, bara naha dukiara sain munan kan ASLA TAKANKA TABRI NANI BA NAHA SAT DUKIA NANI BA MAPARA, TAIBI MUNANKA BAKU SIN SUT SAUHKI TIKAIATKA SAURA NANI AN BARA BA SUT (Belem aisanka). Yauhrus kati 10 ba Nikarawa uplika nani ba sain munan 1995 yauhrus kati ra.

Kakamuk kati 1999 mankara sain munan kan karnika kum bri dukia, baha wal CEDAW bui kau karnika yaban kaia ba dukiara. Naha yabalka ku sipsa dusa kuhbaia rausauhkanka nani bara pyuara. Yamni pali apia sa, wan kuntri Nikarawa kau naha dukiara naiwa kat kau sain munras sa naha sat diara tara dukia na.

TUKTAN BARA WAHMA TIARA

tuktan nani ailal trabilka ba naha tasbara, baha sika umpira laka tasba aiskara, tuktan nani naha tasbara umpira palira iwisa, plun piras pat wauhwisa, skul dimayara, pulaiara, naha nanira sika kau rausauhkiba wark tatakra nani baku, apia kaka ai lila nani natkara laki laka sauhkiba, naha nani sika kaina kaiki, ta baiki brihwiba la tanka ba kat, ulbanka nani wan tilara baku sin lata tanira sut marikiba. Baku sika sain muniba Nisan nani aslika nani ba. Nisan aslika takan.

1958, mankara (ONU) ba TUKTAN NANI RAITKA DUKIARA SAIN MUNANKAN BAHAWINA MANI 1989 MANKARA kli laki kaiki Wapnika mangkan kan. Aisanka nani ailal aisan ba, baku sin sainka nani ailal, duakan ba diara wal tara pali bapan ba gabamint baku baku sin tawan baku yawan kulkisa wan uplika nani baku raitka aiska wal.



UPLA NANI RAITKA

Yabal ba

Nikarawa ra, natka plikisa nahki muni aisanka nani alki daukia taura aisata ba baku tuktan laka ba paramra sakan kan wahma tiara nani laka ba sin, 1998 mankara.

INDIAN UPLIKA NANI BARA UPLA SIKSA NANI

Indian uplika nani ba ai iwanka natka nani brisa natka kumi baman baku sin ai kaikanka nani brisa tasba aiska mawanra kau ba ai tasbaya ba wal. Tasba ba, naha uplika nani mapara iwaia bara diara mangkaia baman lika apia sika sakuna witin nani ai iwanka, ai kasakka lukanka, ai almuka nani nina lukanka natka nani sut wal aikuki asla lakara ai kaikanka brisa.

Nisan nani tasba aiskara la nani bapan ra aisansa kiamka nani kumira sin saura kaikaia apia (discriminación racial) naha satka dukia nani ba sut sauhki tikan kaia dukiara aisan kan, naha sika ai karnika wal diman siakua kati 4 yua ba 1969 mankara ba wina Nikarawara sain muni yaban kan kuswa kati 15 yua ba 1978 mankara.

Diara wala kum bara sa, indian upla nani raitka kankahbaia dukiara baha ba sika aisikaikanka numba. 169 ba baha ba indian nani bara kiamka nani raitka dukiara aisisa ai warkka nani ba wal praki nina ba (OIT), 2010 mankara sain munankan Nikarawa gabamintka ba bui.




Naha aisanka na bui yamni kaikan sa indian nani bara kiamka wala nani ba pat wauhwan sa tuktan bastar kum baku, natka ailalra baha mita nanara naha laka mita alki brinsa diara tara pali kum baku, naha kulkanka naha tasbaya ra; amyapah laka wal yamni kaia kaka raitkam bawal, pri laka wal, kaina prakanka apu wal, naha laka ba manra maikisa; tnayara laki mai swiaia laka luha, raitkam tara upla baku maikan ba wina.

Aisanka ba bapan sa la nani kum kum bapaia, upla nanira tabaikaia dukiara, asla takanka nani, yamni ka nani, wark nani, wan natka nani bara wan tnaya kir nani ba sin. baku sin, bapi sa baha laka nani ba sip apia sa la mapara buaia, upla nani dia ai brinka ba sut yaia sa yawan dia want bakat pri laka wal indian kiamka baku.

Makabanka nani indian tasbaia nanira dauki ba ai aisanka nani sut ba sin, dia dauki bangwiba walpa tnaya yumpa baku upla mawanra sa. Aisanka nani numbika 169 ba tabaikan sa diara nani sut mapara. Aisanka ba bui taibi munisa indian tawanka bani, uplika nani, bara kiamka wala nani sin wal aisi laki kaikan diara nani kum kum wapni apia bara nani ba dukiara. Baku sin taibi munisa naha tawanka nani ba diara nani tilara ai mihta dingkan kaia ba dukiara, maisapakanka nani bak ku bara pulfik uplika nani sin yawanra wan sauhkisa sapa.

WARK TATAKRA NANI PLIS WALA WINA BARA AI PAMALIKA NANI AIKUKI

Upla nani yukuwaika, apia kaka plis pliki nani ba trabil sat sat nani, war nani baku, apia kaka trabil wala nani tasba nikban, prari bara trabil wala nani taka witin nani ai tasbaya ban swiaia kan, umpira laka mita, rausauhkanka laka, ai iwanka trabilka, Lahla trabilka (la pobreza, la violencia social, la economía) naha taka ban upla tasbaiara taki wih taukisa baha impakan ka ba tasba tara nani ailalra kasak ai kupia sauhki brih wan kan (USA) miriki nani México tasbaya baku, baku sin, (America central) ra Costa Rica trabil nani manis wal wan uplika nani prawisa, bamna yaka la kum bapaia muni sain munaia upla raitka ba dukiara aisaia la kum bapbia baha wal yawan sin kaikaia.



Baha tawan, wark tatakra nani bara impapakra nani ba ai pamali ka nani sin la brikan laki kaikan kaia, bara Nisan aslika nani ba bui, kainara brih wan la kum alki daukia pawankara luki apia kaka asla takanka nani la mangki auya ba wal praki upla impaki taukiba raitka ba yaia bara wala ba ya ai riska watlara waia wilin sa kaka sin kaikaia. Naiwa yua kat sin, la bapanka nani ba impapakra nani dukiara diara aisaras sa, kuna ban aisansa ya ai tasbaia wina plis walara auya ba kli tawi ai tasbaya ra wabia, arto. 13 ra aisanka tarara upla raitka dukiara aisi ba baku.

Ban sakuna, kuntri nani ba tawa tawa ban wan kan la nani kum kum paski baha wal impapakra nani raitka ba tabaikaia dukiara. Li kati, 2003 mankara Nisan nani aslika ba (Naciones Unidas) la nani bapan kan nani ba karnika yaban kan wark tatakra nani, impapakra nani ai pamali wal raitka nani dukiara aisanka nani dauki ta baiki brihwan kan pamali iwanka tanira. Baha aisanka nani ba bui bapansa impapakra wark tatakra nani hilpkara iwi ta brih ai kainara brih waia ba dukiara. Nikarawa ba ai winara taibi munan baha laka ba rispik munaia, aisanka pastara kati 26, 2005 mankara.

UPLA KAHWA NANI

Blasi pyua ba wina upla kahwa nani ba pat wauhwikan tnayara laki swin laka ba mita, wark nanira ,skul nanira, pri laka kat taukaia nanira, sturi aisaia, wahbi sakaia nanira, bal pulaia nanira bara pulanka wala nanira sin, pulanka, pulanka wala nani sin sanska yabras kan ba.



UPLA NANI RAITKA

Yabal ba

Plikisa nahki muni naha satka diara nani ba sut tikaia ba, aisanka nani upla raitka nani ba sut karnika yan sa nanara, upla kahwa nani raitka, bara naha nani ba tuls kum manira bakusa, upla raitka dukiara aisaya sa kaka.

Aisanka nani ba la bapan sa ani aslika paskan ba sika ta briaia kabia naha diara nani asla taki aisan nani ba sut daukaia ba dukiara tras nisan satka bani dia wal aisi daukan bakat.

Aisanka ba ai karnika brin ba 3 lih mairin kati bara yauhrus kati 2008 kat ban kan. Nikarawa, trisu kati, 2007mankara.



UPLA LGBTI (mairin-waitna, Gays, Ai wina wal bri nani ba, bara Waitna-mairin)

Saura kaikanka bara rausauhkanka upla bui ai uplika walara muni ba, baha ba saura sa lata tani laka nani mapara upla nani raitka ba, wan kuntri laka wauhkataya ra ulbansa ban sakuna, naha diara nai takiba pamalira, baku sin wan iwanka ra sin baku takisa. Aima kum kum ra sturi pram sasakra (periodista) nani sin ban la luisa, kau sturi paski sa naha uplika nani mapara.

Ai wina wal uplika nani ba siknis apia sika, bara la sin pura luras sa. Asla takanka tara tasba aiskara bara ba, bui siknis kum baku kaikras, la ba bui sin saura kai-krassa; 2007manka wina, naha uplika nani ba LGBTI Nikarawa tasbaya bila ra kau ban aiklabisa ai raitka ba dukiara kuna ban upla ba mapara sa naha nanira.

Kuntri ba mihtara sa tabaikaia bara kankahbaia naha raitka nani dukiara upla nani LGTBI bara yawan sut ba kumi sa sipsa yawan tabaiki naha wina swaki sakaia raumunanka, bara tnayara laki swin laka ba sut wina.

Nisan nani aslika (Naciones Unidas) bara Yurup asla takanka nani ba witin nani la kum bapan kan (Yogyakarta) wina lata tani uplika nani wal wilkanka baku upla mairin waitna nani tabaikaia dukiara. Aisanka nani ba bila wisa upla raitka ba diara kum tara sa baku sin la brisa upla sut ba rispik munan kaia LGBTI naha bapanka nara.

Asla takanka wan lamakat ba dakni kum paskan kasak pali stadi muni si, lukanka saki sa upla raitka ba kasak aihwa yawan alki daukaia sa upla LGBTI nani ba, ban sakuna, naha asla takanka nani ba ai tanka brinsa nahki naha uplika nani ba pat wauhwi ba upla satka nani bui munan taim, naha yamni apia sa, baha ba mita, asla takanka lata tani wina nani ba la bapan sa diara sut tilara kaia. CENIDH ba upla raitka ba dukiara naha laka ba upla ailalra tabaikansa (LGBTI) kulma waia sa witin nani hilpkara bara tabaikanka yaia dukiara.

UPLA ALMUK PALI NANI

Almuk pali nani ba Nikarawa uplika nani tilara 6% baku praiska sa. Lukisa naha nani ba upla almuk nani sa ani yuara mani yawanaiska yumhpa bri nani ba. Wan kuntri wauhkata-yara kulkisa upla almuk nani ba ai raitka brisa kankahban kaia upla nani ba bui, pamalika nani bui bara kuntri ba sin.

La tara daukan nani tilara upla nani raitka ba bui upla almuk nani ba kulkisa diara tara kum baku bara wina tara mapara, sinska mapara, baha mita natka nani plikisa yaka kasak yamni lakara iwbia dukiara. Naha ba mita, naha raitka ba yabisa almuk nani ba yamni main kaikaia.

Nikarawara upla almuk nani ba 24% baman ai pinsanka hilpka brisa, naha na diara kum tara sa upla sutra diara tara nani taki luisa naha pinsan ka wina diara sirpi kum briaia ba.

Upla almuk nani pinsan hilpka brisas ba nahki rayasa ki? Ai pamalika hilpka wina, wark nani kum kum wina, ban sakuna diara kau saura taki pyuara tawan hilpka nit takisa apia kaka Upla kum saki yaya ai manka takaskaia.



Bisi pali wan kuntri laka dadaukra nani ba la kum sakan La No. 720 “ba” param sakan tawan mapara D.O. No. 111 wina yauhurs kati 14, 2010 mankara. Yawan sipsa naha laka wal klauna laka briaia, silp wan dukia daukaia, wan kasakka, bara yamnika upla almuk nani natkara.

Baha laka ba almuk pali takan nani ra tabaikisa mairin bara waitnara sin, klinik nanira waia, tawan watla nanira wih dimaia pyuara yabalka param kaia, Lahla lin takaia yabalka, pas nani tanira tawan bilara, atkaia pliska nanira 30% praiska mayara kulkaia, plis sutra pri tauki kaia raitka yabansa.

Upla sutra winanka daukisa ai tanka bribia dukiara, baku sinkankahbaia dukiara kupiam krauki bas : ¡Naiwa na man bara yauhka ba yangí!

UPLA NANI VIH/SIDA BRI NANI

Upla nani VIH apia kaka SIDA bri nani ba, ai raitka brisa, ai natka swapni bri ba taka mita. Naha satka diara nani ba ai raitka ba sip apia wiras upla sut tabaikaia sa. Naha taka aisanka nani bara sa la nani sin, tanka kum, La 238 ba La kumsa upla naha sikniska bri nani ba kankahbaia dukiara, kankahbaia bara kaina kaikaia ai raitka natka bakat, SIDA, bri nani tabaikaia, kankahbaia. Ai wina yamni briaia raitka ba, ai wina yamni briaia raitka ba ai lama uplika nani kaikaia sa. Naha warkka nani pawanka daukaia sa kaka, trabilka wala nani sin bal takisa VIH naha dukiara tabaikanka yaia sa kaka, sut sap kaia, naha tanka sika upla kumi sin naha sturka na paramra sakaia apia. Raitka wala yawan briba, yawan sikniska ba bri apia kaka apu kra sipsa wan talya saki kaikaia siknis sa sapa, apia kaka siknis apu sa sapa. Upla kumi sin sip taibi munras sa talya saki kaikaia VIH apia kaka SIDA brisa sapa, wark kum takaia dukiara, skul dimaia, apia kaka diara kum tilara kaia dukiara. Ya baku daukbia kaka la pura lubia.

Nikarawa tasbaiara 4 tausin 500 upla ba sikniska na brisa, mani bani ba kau ailal takisa 650 upla ba siknis raya alkansa, naha tanka ba yu bani upla wal siknis takisa VIH-SIDA wal. Natka kumra upla siknis taki ba waitna mairin wal aitwi ba taka mita, waitna kan mairin puli nani bara mairin kan waitna puli nani bakku sin siknis takisa. kundun yus muniba sika kau kasak sa naha siknis ka ba kankahbaia .VIH.

2001 manka ba wina, asla takanka tara nisan nani aslika ba bui (Organización de Naciones Unidas), aisanka nani ba param saki aula, naha sikniska saura dukiara, aiklabanka briaia VIH. sikniska ba las aisanka daukanra ai pulítikka kum brih impakansa 2011ra, nahara kaikanka kum daukankan, nahki praiska pawu auya sa sapa, apia kaka dia kau bara sa sapa wapni daukaia. Ulbanka piska 51 bara ta upla nani ba aisan sa: “yawan pramis takisa wan karnika kau yaia naha warkka na tnata alkaia dukiara, 2015 mankara, kaina kahbaia warkka ba, alki daukaia bara hilpka daukaia VIH ba natka kum pliki sauhki tikaia VIH ba, naha wal aisanka matlalkahbi bapanka nani ba, alki dauki brih wia sa VIH sikniska pawu auya ba wina, 2015”

Naha aisanka wina kuntri nani bani ai pramiska ba param sakisa karna wark takaia bapanka matlalkahbi alkaia dukiara, baku natkara lika sip kabia upla nani ba ai raitka wal kaia. Yarka ai saika nani ba sin diaia, baku sin yaka, kuntri ba mihtara kaia naha sut na daukaia.





Upla nani raitka sturka ba sika upla
nani sturka

Nikarawara

Wan sturka saiska ba laki kaikaia sipsa upla nani raitka dukiara...

Ispail nani wan taibi brikan pyuara wan raitka sut ba aisankara laki brikan wan indianka nani ninara. Wan almuka nani raitka ba rausauhkan kan ai karnika aitasbaya purara brikan ba sutra bara ai rayaka sutra sauhkan kan.

Indian nanira taibi munan wark karna takaia, alba baku, ikikan, implikan bara prias kumra taibi munan kasak lukan.



Baku sin ai pawanka ra yaban ai pawanka raya kum ai rayakara takan iwanka natka wala, baku sin blasira ai bila kata yan swih bila wala aisan.

Kus tasbaya ba inglis nani bui taibi brikan, natka wala yamni apia wal.

Wan tasbaiya pri lakara wan ba 1821 mankara yaban wan raitka ba kli karna takan, yawan silp wan lukanka kat diara daukaia raitka Nikarawara, sakuna baha raitka ba upla ailal kaikras kan sakuna ispail nani baman kau baha raitka ba kaikan witinka nanira ban makan kan kriul nani, ispail luhpia nani nahara aisubi takan nani kan ba.

Nikarawa tasbaya ba pri laka brin win sa kuna, ailal ba ban upla mina munhtara bangwikan, la nani kasak apia, lahla tanira umpira. Atlantik Kus uplika nani tasbaya ba inglis uplika nani mihtara kan, ritska nani saki brihwikan.

Sturi almuk nani natka ailal ba tilara yawan kaikisa Nikarawara upla raitka ba yaban talyasa. Yawan diara sut tilara aisaia muni ba wan kuntri laka ba dukiara aisaia.



1826 mankara kuntri laka kum mangkan kan kuna wal asla kan. Naha wal aslika laka nakuntri matsip aslika ka, kuna witin ka nani ba kumi bani ba silp silp ai yamnika kikikan, bara baha laka wal witin nani kiatalik laka ba bapan kan tanka ba baha baman ba chuts yamni baku, baha wina sin sut ba silp ai karnika brikan an silp ai karnika brikan. Naha purara Waitna raitka ba pliki kan bara upla raitka ba yabikan pri laka baku, wal asla laka baku, ai dukia baku latuan laka baku, sturi aisaia raitka, ulbanka bara y lilka kum sakaia wina sut.

Lih wainhka kati 30, ba 1838 mankara Nikarawa ba dakwi takankan naha asla takanka kuntri matsip nani wina, adar kum brin kan pas kuntri wauhtaika kun prilakara paskaia Nikarawa baku. Naha wauhkatayara mangkan kan pri laka, asla laka, kaina kahbanka laka, un wan dukia nani laka, baku sin naha laka nani ba kulkanka kum yaban kan naha laka mapara sip upla kumi sin buras wauhtaya sin sip ulbras bara wapnika wal sin sip paskras, witin yakan baman. Baha nani pyuara wan kuntrina kiatalik bui waki kan.

1858 mankara kuntri laka wauhkatayara wala kum sakan suni brabrira nani ba bui (conservadora) nani kan naha na waki wan kan 1893 manka kat. Naha nani taimkara upla raitka nani, bara pulitik raitka nani ba praki swinkan kan naha nani laka ba tawan ra diara apu, hilp sin apu kan ba mita. Naha karnika brih impakanba bahki laka baku kan, mairin ba, upla nani diara apu, wauhtaya kaikras naniba raitka apu. 1879 mankara Conservador (suni brabrira) Gabamintka ba la kum bapankan baha laka ba sika asla takanka kum la kum wal yaban upla raitka rispik muni ba, (Habeas Corpus).

1893 manka ra liberal aiklabanka ba baiwi takan kan, baha wal liberal nani ba karnika ba alkan mani 1909 manka ra. Naha aiklabanka na, José Santos Zelaya taura kan, ta upla kum liberal nani bui kupiara diman waitnika kum, witin gabamintra ta brikan 17 mani.

Naha manka nanira kuntri wauhkataya kum paskan kan nina ba “La Libérrima” tanka ba pri laka natkara makankan, aisanka tara tila wina takankan, bahara ba liberal lukanka baman kan diara wala apu, bahara paskanka kum paskankan upla raitka nani dukiara Nikarawa uplika nani ai taura auya naha laka nani wal:

- ✓ Kli upla ikaia apia
- ✓ Upla sut ba wal baku sa
- ✓ Upla ai dukia ba rispik munania
- ✓ Pri laka bara sa priasra bara kupiam lukankara
- ✓ Pri laka wal aisaia diara sut



UPLA NANI RAITKA

Yabal ba

Zelaya ba 1902 kli aimakaia lukan bara 1905 mankara kuntri laka wauhkataya wala kum sakan kan nina ba “Autocrática” tanka ba (Yakan tabrabrira.w).

1909 wina 1924 kat Nikarawa ba pat wauhwan miriki nani ai tilara dimi balan kan mani ailara baha nani sin wan kuntri wauhkataya wala nani sin paskikan.

3 Kuna baha nani laka ba wal ba sip wark takras kan wan kuntrira, kan makan kan upla nani ba bui (Non Natas), tanka yawan wan laka apia, bara la wala ba takaskan kan 10 Yahbra kati 10 ra bapan kan ba wauhkataya, bara paramra sakankan Krismis kati1911ra.

1927 wina 1934, kat karnika tara bri nani mapara aiklabi kan baha ba (General Sandino) bara tahplu waitna nani wan kuntri tabaiki balan nani ba wal, Nikarawa uplika nani ba ai kupia aiska kira ai kuntri tabaiki, bara kan kahbi bangwikan.

Sandino, ikan ninkara wan kuntrira taiban laka bal diman kan Anastasio Somoza García, gabamintka ba bui, naha pyuara Nikarawa ba kuntri kum ONU aslika ba tabaikan kan. Naha gabamintka bilara kuntri laka ba yumhpa (3) ulban kan: 1939,ra kan wala ba 1948 mankara, bara 1950 manka kat naha na gabamint ba dia want bakat dauki brih wankan. Naha laka nani kum tila wina upla raitka ba mapara karna aisikan, bara walara lika ai kainara impakika, tanka kum: 1939 ra, aisikan upla rayaka ba sip rausauhkras, ban sakuna sip kan la ba bui upla saura daukan nani ba ikaia.

1945 manka ra wark tatakra nani laka ba paskan kan bara baku sin, 1950 mankara witin nani sin upla laka bara raitka ba kulkaia lukan aisanka kum bak (Declaración) bahara aisankan waitna raitka ba, baku sin, ai bisniska ba sin la kum bara kan upla raitka dukiara ria aisikan, bara mairin nani dukiara sin aisikan, mairin ba sipa wahbi sakaia pulitik warkka ra upla nani tilara kaia. 1955 manka ra param sakan upla kan kahbanka laka ba dukiara.

Wan kuntri laka 1974 mankara paskan ba baha ba wan lama kuntrika nani wal iwanka brikan wauhkataya bilara, upla ai dukia dia briba rispik munaia dukiara, wala ba kuntri laka wala nanira pat la nani barakan nani ba ban rispik munikan. Naha laka na kulkan kan democracia laka kum ai ninara tawan kum praiska, kan naha na, kli wahbi sakanka kum kau saura pali wan kuntrira baku upla ba bui kaikan kan.

Mani nani wihka pali luan kan wan gabamintka karnira kan ba, wan raitka ba rispik munikan wisa kuna ai daukanka wal lika sat wala kan, bara naha laka ba sip wark takras kan, tawan aiska buaia sipkan muni yaka wan raitka ba karna kaia dukaia.

Somoza gabamintka ra sika Yaban upla wala nani ba bui wan implikikan wan Kuska tasbaya raBaku sin Kus uplika nanira diara apia baku sakikan.



Somoza karnikasika

1979, mankara Sandinista nani aiklabanka pura luan ra kli pas-kaia warkka ba alki impakankan democracia yabalka bara upla raitka dukiara mahka lukan, bara alki sin daukan.

Gabamint aslika takan kli paskaia laka nani dukiara luki bara Pastara kati, 1979 mankara bahara wauhtaya nani mahka paskan Nikarawa UPLA NANI SUT RAITKA BA DUKIARA kupia laka kat, ai raitka ba dukiara la nani paskan.



Ba wina 1987ra wan kuntri laka naha taimkara briba paskan, bahara sika pawanka kumra wan mangkan sa, Nikarawa uplika nani sut raitka nani ba, naha wal yawan sipsa wiaia naha laka na kau diara ailal yawan dukiara mangkansa wan sturka aiskara. Blistu sa param sakaia indian tawanka sirpi nani dukiara diara raitka nani mangkan ba dukiara, kan wan lama kuntrika bara kau lata tanira kuntri nani laka tilara baku ai indianka nani raitka ulbi mangkras, sakuna wan kuntri laka tilara yawan ba pas baha raitka ba brisa.

1989 mankara liksan dukiara naha lakara ria diara kum kum wapni ka mangkan kan liksan 1990'ra bara kan ba mita, naha bui sin yaban wan kuntri ba sat wala kum takan kan pulitik tanira, baha sika wan kuntri ta upla ba wala mangkan kan, apia kaka karnika yaban kan walara.



1995 mankara, kli naha lakara diara kum kum wapnika daukan kan, naha tilara upla nani raitka ta briaia dukiara ta upla kum mangkaia kan ba mangkan. Mani 2000 ra kli aima walara diara wala paskan wan kuntri laka bilara, kuna naha taimkara lika diara kumi dukiara kan baha ba F.S.L.N, bara P.L.C. wal ai uplika nani wark banira mangki swiaia ba dukiara baman.

Naku natkara, 12 ba wina la tara uplika nani ba wahbi sakan kan 16 bara, 5 wina uplika nani tilara kau dingkan. But munaia karnika

UPLA NANI RAITKA

Yabal ba

bara ba wina kau 7 mangkan kan. Violeta Barrios de Chamorro, bara Arnoldo Alemán sin baku.

Enrique Bolaños taimkara kau trabil nani bara kan ba, Lahla bisniska, wan iwanka bara, wan natka alki brih impakanka baha wal asla takanka nani lata tani wina tabai kikan nani ba ai kaina ba laki kaiki ai warkka nani daukisa Nikarawa ba naha diara nani ra ai lalkahbisa, raya kaia dukiara.



Naiwa upla raitka bara rispikka laka ba raya kaia dukiara driwansa kau pali ba sibil raitka bara pulitik raitkara, kau tnayara lakaia apia dukiara yawan sipsa wiaia, bisnis nanira, wan iwanka nanira bara wan natka nanira, Nikarawa ba kau diara nani ailalra silp karna takras sa, upla nani dukiara. Yawan wisa, wan aiklabanka ba kau sibil raitka bara pulitik raitkara sa, kan, naha minit gabamint yawan bri na 2006ra mangkan kan na, wan raitka nani kum kum tnayara kan ba witin bui kakaira taki wapnira mangki auya sa, aisanka nani baku, paramra taki mapa aisaia, bara diara wala nani kum kum bara sa, rausauhkanka nani dukia, natka ailara upla nani dukiara trabil taki lukaia nani baku, wan uplika nani wahbi sakaia raitka, bara wahbi mai sakan kaia raitka ban diara wala nani sin.

Tnatara, yamni sa marikaia, upla raitka tanira las aisanka nani brin tilara naha dukia nani pakan sa: la raya kum saura dauki pyuara nahki natkara wan laka daukai ba, la wal ba, upla sut ba simsat wan raitka briba tanka, mairin bara waitna sin, tuktan nani sut raitka bara wahma tiara nani sin, la wala kum bara sa mairin nanira rausauhkan nani ba nahki laka daukaia ba, ban wala nani sin bara sa paski brih auya sa. Kuna naha laka nani ba sut sin alki daukras ria baman alki daukisa baha mita, wan uplika nani sut ba wan bisniska sa tilara dimi yaka naha dukia nani ba rispik munbia, bara yaka alki daukbia dia aisan ba kat.

Bara nahki kan kahbia wan raitka nani ba?



SIBIL RAITKA NANI BA

Sibil raitka tilara yawan naku brisa:

- ▶ Raya kaia raitka, wan ikaia apia.
- ▶ Wan wina yamni briaia,
Rau wan sauhkaia apia
wan wina tara ra, wan sinska ra sin.
- ▶ Pri laka bri kaia upla baku,
Saura yarasna kaka sip silak aimakras.



Upla bani ba ai pamalika main kaikaia

Man muihkam, man pamnika, apia kaka upla kum ba kaikram patkas silakra sa kaka, bara kaikma naha uplika rayaka ba pat ra sa kaka, bankra rausauhkaia natkara, man raitkam brisma la kahbaia upla nani raitka aslikara, apia kaka, uplika raitka bri ba wal.

Man layar nit apusma baha warkka nani daukaia man silp sipsma baha daukaia baha wal man taibi munma wihta kum mangkaia, apia kaka man pamalikam ba pri sakaia.

UPLA NANI RAITKA

Yabal ba

Man sipsma la wihta nani bara sa kaka man tasbayam ra dia awarka kabia sin witin nani sipsa trabilkam ba laki kaikaia, man sipsma trabilkam ba, wauhtaya kum ku dingkaia apia kaka bilamni sin sipsma aisaia. Baku sin sipsma naha wauhtaika ba blikaia natka nani sat wala ku man ani ba kaikram manra kau yamni takisa kaka.

La wihta kum ba kaikram, la yamni daukras sa, apia kaka la pura luisa kaka wan kuntri laka ba kat daukras sa kaka, man sipsma yu 30 bilara la wauhkataya kum ulbi dingkaia la wihta nani bara nanira (recurso de amparo) la tara pura kaiki uplka nani (Tribunal de Apelaciones) nanira naha nani ba raitkam maikras piura sipsma man naha nanira plikaia. Tanka kum, upla kum yang tasbaira yamni kaikisa bara kunin ai muni brin bara kwuatmas nani bui yang tasbai wina ai kangbisa, bara wihta kumi sin naha dukiara tanka briras sa kaka, man sipsma naha warkka ba daukaia man raitkam pliki. Tanka wala kum, gabamint kum ba aisanka kum ku Ulbanka kum saki tasba wala kumra raitka yabisa kaka bara wan kuntri lakara baha bui sauhkisa kaka, man sipsma la kum ulbi dingkaia naha daukanka mapara, bisi pyuara takata ba baku, 1998 mankara, San Juan awalkara, Nikarawa uplika kum ya kabia sin sipsa la kum ulbi dingkaia ai raitka sut brisa.

Recurso de Amparo wiba baha ba sika la wina yabal kum sa, wan kuntri laka briba karna daukaia bara ban bri kaia wan raitka kum sa ani yuara upla kum ba wan kuntri laka ba sauhkisa kaka mahka naha nani sat warkka kum dauki la dingkaia ya kabia sin mapara. Ban sakuna naha sat laka nani daukaia ba ria karna sa ba mita man sipsma layar kum plikaia hilp mai munbia, apia kaka layar daknika kum apia kaka CENIDH ra hilp makabaia. Ani yuara man walma apia kaka man nusma (Asamblea Nacionalra) apia kaka prisidint ba kabia sin la kum sakan apia kaka Ulbanka kum ku sakan diara kum dukiara, sakuna man kaikram taim baha dukia ba wan kuntri laka wal diara apusa kaka, man Yakan sipsma naha nani sat dukia alki daukaia wan kuntri luhpika baku.



Naha Ulbanka ba sipsma marikaia tanka kum, la kuim mapara man wantsma sauhki tikaia, upla nani ai manka tnata prisantka briba kan naha la pura luanka kum sa, baku sin la Ulbanka 82 bara Ulbanka sirpika 5ra marikisa wn kuntri laka tarara, wan kuntri ra laka mapara la wala kum bara sa kaka, baha uplika ya ninara ba la luisa, tanka wal kum ba: silakra waia sa ya ai traska nani aibapras ba, baku sipsa wiaia sakuna wan kuntri laka ba bila wisa sip uplara silak mangkras tras dukiara kan la numbika kum bara sa 41; bahara baku aisisa, wala ba, wibia

sa kaka, prisidint ba Ulbanka kum sakuya, wisa: prisidintba ulbisa skul banira prias kum laka ba smalkbia, naha na wan kuntri lakara sauhkisa, 124 ra bara yawan kaikisa naha sat dukia nani ba sip waras prisidint ulban kabia sin.

La tara mawanra (recurso de amparo) kum dingkaisma ba ria trabil bara sa, bamna. Laya kum hilpka nitsa naha warkka daukaia. Naha ulbanka na la tara mawanra brisi yabisma, yu 60 nani baku taim bila kaikanka kum brisma ulbanka uplika dingkanba ai karnika brisyua nani taim.

Lahla bisniska nani, wan iwanka nani bara wan natka nani dukiara upla sut ba kankahbaia sa. Ani yuara sins laka makabisma bara, brit, utla bahna, pri laka, Yawan upla sut raitka dukiara kankahbisma. Yawan sip wan mihta blaki buras sa wan raitka dukiara blistu sa yawan trabil takaia dia dukia nani yamni apia nani bara ba, wapni daukia sut aikuki.

Lahla bisniska raitka ba, wan iwanka, bara wan natka nani ba kan kahbisa sindikatu nani bakku, asla takanka nani kakaira nani wal aikuki, taibanka wal, aiklabanka, bara ayawanka. Aikuki aisanka bara wan raitka nani ba wal sipsa wan raitka ba wal. Naha raitka nani ba aiklabisa yaka paramra sakaia bara yaka la ba rispik munbia. Dia muni:



RAITKAM KANKAHBRAS NA KAKA.... RAITKAM BA TIWISA!

Nisan bani ba ai raitka ba kankahbaia sa.

Kuntri kum ba ai bisniska sa, raitka nani kankahbaia, laman laka, pawanka bara ai tnaya kirba natka nani pliki ai uplika kupia laka kat dauki marikaia.





NACIONES UNIDAS

UPLA NANI RAITKA TASBA AISKA RA



Organización de los
Estados Americanos

La nani tasba aiskara bara ba upla raitka dukiara aisiba naha nani wan bisniska nani bapi sa, la uplika nani ba, blistu pain daukaia sa witin nani pramis takisa la pura luwaia apia la dia daukan ba bakat daukaia, yabal plikaia nahki muni kau raitka nani mangkaia, baha wal sip kabia kau upla ailal naha laka nani wal ai lilya briaia.

Lata tasbaya uplika nani laka ba wapnika mangki sa, la nani ba wal bara Kuntri uplika nani la ta bri nani ba ai bisniska sa naha laka nani ba rispik muni yaka kau karna takaia. Tara sa , aisanka nani sut aisi daukan ba, la tara pali uplika nani ba, upla raitka nani ba, playa sa kaka la nani sut ba karna daukaia sa.

Naha lata laka nani ba plis kumira takaskras, aima banira sim baha nani apia sa, laka nani ba ayawanka isti kum brisa kan yu bani pawu auya ba mita upla nani hilpka makabi bawal, La raya nani alki bri ba taka mita, tanka kum: Belemra aisanka ba, raitka kum aiklabisa nahki muni mairin mapara rausauhkanka nani ba sauhki tikaia.

Naha laka nani lata tani wina nani ba, wan kuntri bilara kat yaban wark takisa Nikarawara lika (Asamblea Naciona) la tara watla ba kli yaban la naniba ai karnika brisa.

Tani walara, kuntri bani ba, nahki natkara ai laka nani ba yus munaia ba ai kuntri wauhkatayara mangkaia ba. Tanka kum, Nikarawa kuntrika wauhkatayara la numbika 46 ra pramis takan sa upla raitka nani ba rispik munaia natka nani sutra, kan baha pramiska ba ban barakan, aisanka ailal brin nani sutra, bara baha laka nani tilara lahla bisniska bara sa, wan iwanka, sibil nani bara pulitik, wal wala, nani sin.

Upla nani raitka tilara yabal wal bara sa:

YABAL AISKA asla takanka bilara bara sa (Naciones Unidas).Naha sika asla takanka lata tanira bara ba, bahara sika nisan nani ailal pali asla takan bara ba. Upla nani raitka dukiara asla taki aisanka kau tara bri ba sika Ginebra Suizara, baha ra sin yabal aiska ba brisa.



*Yawan kaikisa watla tara kum (Naciones),
apiska Naciones Unidas Ginebrara aslika
raitka nani ONUra*

Tani walara param sa upla raitka ba aisanka, tara nani bara sin kankahbra upla raitka nani bara raitka wala nani sin.

Diara nani kum kum bara sa tara palisa Kulkanka yaia nina ba yabal tara pali sika naha nani sa:

Aisanka tara pali

Upla nani raitka dukiara aisanka, sibil nani bara pulítik tanira wal wilkanka.

Lahla bisniska nani dukiara aisanka, wan iwanka bara wan natka.

Tuktan raitka dukiara aisanka nani ba. Mairin nani raitka tabaikaia natka sutra yaka rausauhkanka kli sin daukaia apia.

Kli yaka upla ra raumunaia apia, natka nani sutra sin apia.

Suira paski, diara apia saki sin apia.

Kiamka nanira kulkras laka tnayara swin laka nani ba sut sauhki tikaia sa.

Aisanka kum raitka kankahbaia wark tatakra nani, impapakra nani bara ai pamalika nani sut aikuki

Aisanka tara wala ba kan kahbanka upla ban wina tiwi ba taibi munanka laka ba wal upla nani sut dukiara.

WAN LAMA YABALKA AISKA nahara prakan sa, tasba nani kum kum tasba aiska wina. Nikarawa ba aiska yabalkawan lama kuntrika (Interamericano), ra sa, nina wala briba miriki kuntrika nani miriki asla takanka-OEA.

Aisanka nani wan tilara nanira, upla raitkara tababaikra nani sin barasa baku sin raitka wala nani sin.



*CENIDH bara CEJIL aisi kaikisa bara wali sa
Aslika takan nani ba dia aisanka aisi ba*

Aisanka nani kum kum bara sa wan kupia mangki lukaia dukia aslika natka nani la bapanka nani natka ba kat, baha sika naha sa:

- Bogotá, Colombiara 1948 mankara aisanka tara kum aisan kan upla raitka bara ai bisniska bri ba, waitna baku yus takaia aisanka IX ra.
- Aisanka nani asla taki aisi ba upla raitka nani ba dukiara San José tasbayara tabaikaia sa tawan luhpika baku aisanka kum wan kuntrika, tilarasa ai nina ba maikaisna” se San José, Costa Ricara

UPLA NANI RAITKA

Yabal ba

1969mankara sain munan, bara 1978 manka wina ai karnika brin. Ai laka wal brisa wala nani wal brisa, wibia kaka, la ta mangkanka nani, kumba aisisa, lahla bisniska raitka, bara wan iwanka apia kaka San Salvador laka, kuna uba yamni sa bara wal ba upla kli ikaia apia.

- Wan tasbaya nani aisanka sut ba kankahban ka dukira, taibi munaia, bara mairinra rausauhkanka nani sut ba sauhki tikaia dukiara aisisa, wala kum nina maki ba Belémra aisanka, kan bahara sika yauhrus katka, 1994 mankara sain munan, bara kakamuk kati 1995 mankara karnika ba yankan.
- Wan tasbaya nani aisanka brin ba upla ban tiwi luisa taibanka laka wal, upla nani ban alki briba baha sin Belémra yauhrus katka 1994 mankara, bara kakakmuk kati 28, 1996 mankara ai karnika yaban. Nikarawa baman kli kau raya daukras sa.
- Wan tasbaya nani aisanka brin ba nahki kan kahbaia bara taibi munaia la wina sakbia uplara rausauhkanka laka mangkan ba 1985 mankara en Cartagena de Indiasra tasbayara. Kuswa kati 28, 1987 mankara. 23 de Yahbra kati 2009 mankara Nikarawara kli raya paskan.

- Wan tasbaya nani aisanka brin ba sauhki tikaia upla kahwa nanira rausauhki ba, naha na Guatemalara yauhrus kati 7, 1999 ra, Nikarawara kli karnika yaban kan yauhrus kati kati 15, bara li kati 2002 manka ra.

La piska kau tara nani wan tasbaya aisanka nanira bal takan ba upla raitka kankahbaia dukiara:

- Wan ta upla nani aisankaba upla raitka dukiara (CIDH), naha ba Washington, tasbayarasa, witin nani ba upla matlalkahbi pura wal nanisa witin nani sika gabamint bara aisanka tara OEA wiba, witin nani ba pyu prahni dukiara bara sa, tisku bara wala mangkbia.
- Naha aslikara sipsa waia ya kabia sin ai dahra walan Kuntri ba bui ai raitkara rausahkisa kaka, baku sin, upla wala raitka dukiara kabia sin, tanka kum, CENIDH ba la nani ailal brisa wapnika mangkaia ailal sin pat wapnika mangkansa.
- La witka wan kuntri knayara iwi nani upla nani raitka (CIDH) bara San José, Costa Rica, ra witin nani ai pliska brisa witin nani uplara kulkras laka nani ba mapara sa, kuntri nani kum kum bara sa, baku daukisa, sakuna la kum ra waya sa kaka, upla nani ba kumisan kum bara sa bak ku sipsa la dingkaia.



*San José, Costa Rica
Upla raitka asla
takanka watla pali ba*

AISANKA TARA UPLA NANI RAITKA BA DUKIARA

Taura aisanka:

Lukanka tara kum ba pri laka, la ba, bara laman laka wal tasba aiskara lukanka kum bri ba rispik, kasakka laka bara raitka nani ba wal baku sa bara un wan dukia sa, pamali ba upla sut wan dukia;

Yawan lukisa, wan lukanka bara rispik wan munras laka, upla raitka kan suni nani wina aula pyuara, bara, aisanka nani sakan, waitna ba kau diara tara luki sakan praiska baku tasba kum ra upla nani ba pri laka ra iwi baku sibrin sin apu, pri laka ba bris bara amyapah kaka wal bara bas bara kasakkam lukanka sin.

Yawan lukisa upla raitka nani ba kaina kahban kaiasa karnika wala kau tara ba bui, baha wina waitna ba taibi munan kabia apia natka kumi ra sin apia karnika tara nani ya saura dauki naniba mapara.

Yawan lukisa pawanka kum kuakaia latuan laka nisan wala nani wal;

Yawan lukisa nisan nani aslika (Naciones Unidas) ba ai wauhtaikara dia ulban ba raitka tara pali nani sa, ai kasakka bara upla baku raitka ba bara raitka wal baku briba waitna bara mairin nani sut sin, baku sin aisan trabilka nani sut ba wapni daukan nanara pawankara dimaia upla nani iwanka ba kau yamni daukaia.

Yawan lukisa kuntri uplika nani ba pramis takan diara sut ba wapni, daukaia asla takanka hilpka awal, rispik laka aiska ba bara upla nani raitka ba bara prika laka ba sin.

Yawan lukisa tanka kum ba raitka nani sa, pri laka, bara prika laka diara sut purara kabia naha diara na kasak daukbia sa kaka, ai pramiska ba baku;

Aisanka tara ba param aisisa

Naha aisanka tara palina upla nani raitka dukiara aisansa tasba nani sut dukiara bara nisan nani sut dukiara sin wan taimka mangkaia sa, upla nani sut, baku sin asla takanka nani sut sin, naha aisankara luki ai kainara waia, karna daukaia, smalkanka nani bak ku, rispik laka naniwal naha raitka nani dukiara baku sin naha prika laka dukiara sin, baku sin kainakahbanka nani sat ailal wal sin wan taura waia dukiara, wan tilakat, baku sin, lata tanira aisanka nanira sin mangkaia, witin nani ai kaikanka bara ai natka nani sin wan smalkbia, wan yamnika nani ba tawan, tawan aiska dukiara, bara asla takanka nani ailal bara ba sin sut, tasba nani wan lamara ba nanisin sut prakansa.

Baikanka 1

Upla sut ba pri aisubi takisa bara wal bakusa ai raitka ba wal bara ai raitka sin, la bui dia yan bakat lukanka, blistu yamni kaia muihni laka kat pana pana.

Baikanka 2

(1) Upla sut ba ai raitka aiska brisa pri kaia aisanka nani mapara naha aisankara, wan lukanka sat sat apu kaia kiamka, kalatka, mairin- waitna, bila aisanka, priaska, aisanka diara wala nani, dia kabia sin wan iwanka, lahla bri ar apu, aisubanka apia kaka diara wala kabia sin..

(2) Baku sin, diara sat wala daukbia apia bapanka kum la ba wal, lata tani karnika wal apia kaka wan tasbaya ai lainka bri ba mita, kuntri tara dukiara aisisa apia kaka, yamnika kum ta brisma kaka, upla wala pana baku apia kaka natka walara kabia sin raitkam brisma.

Baikanka 3

Upla sut ba ai raitka brisa ai rayaka, mapara pri laka ba, bara ai wina tara mapara sin.

Baikanka 4

Upla kumi sin alba lakara kabia apia bara alba talika sin apia naha na adar apusa.

Baikanka 5

Upla kumi sin rausauhkan kabia apia, la wina sin apia, apia kaka ai bila wal sin apia

Baikanka 6

Upla sut ba ai ritka brisa, plis sutra anira kabia sin, ai rispik ka wal taukisa kaka.

Baikanka 7

La mapara yawan sut ba simsat sa, sat wala apiasa wan raitka ba, la bui wan kankahbaia. Sut ba sim raitka brisa la bui ta baikaia diara kum yamni apia barasa kaka aisankara baku sin dia satka lukan taski bara kabia sin.

Baikanka 8

Upla sut ba ai raitka brisa, sanska kum briaia la witka aimakaia, ai tasbaya bilara sipsa kaka, la bui tabaikisa kaka, natka nani sutra kuntri laka ba wal praki kaikan bakusa kaka.

Baikanka 9

Upla kumi sin ban wina silak kra mangkras munisin, swira sin sip paskras.

Baikanka 10

Upla sut ba ai raitka brisa, param kaia, upla sut kiama walaia dia aisi ba la bawal la uplika nani mawanra kuna laka uplika nani ba tani kumira sin driwaia apia, kasak kaia, diara sut ba wapni daukaia dukiara, kan dia aisuya ba wal sipsma suara takaia apia kaka yamni takaia.

Baikanka 11

(1) Saura daukan taka patka kahban bani ba ai raitka brisa ai tanka ba aisaia kau kasak pali saurka daukan ba tanka briras kainara, la tanka bakat bara la mawanra, bara upla ailal mawanra sin ani pyuara ai raitka ba sut brin awarka ba kat.

(2) Upla kumi ra sin ban swin kabia apia ai tanka briras diara watawi daukbia taka ba mita apia kaka .Ta uplika nani bui adar yabia mita sin apia.

Baikanka 12

Upla kumi sin wala tilara dimaia apia, upla bani ba ai raitka brisa, ai wina tara ba nahkira brih waia ba, ai pamali ai tawanka, apia kaka diara wala, ai lukankara bara ai rispikka laka ba. Upla sut ba ai raitka brisa ai kankagbaia la tanka bakat. Wala ba upla wala ai walka tila dimiba.

Baikanka 13

(1) Upla sutba ai raitka brisa pri lakara ai iwaika plikaia briaia ani tasbayara apia kaka anira kabia sin.

(2) Upla sutba ai raitka brisa ani tasbayara taki waia, bara kli balaia sin.

Baikanka 14

(1) Nina blikanka kum kaka, upla sutba ai raitka brisa derecho ai iwaika plikaia, bara yamni iwaia, ani tasbayara kabia sin.

(2) Naha raitka na, sip makabia apia la mapara kasak pali takanka saurka kum tawan apia kaka mapara buanka kum dukiara Nisan asla takan mapara. (Naciones Unidas).

Baikanka 15

(1) Upla sut ba raitka brisa kuntri kum bri kaia.

(2) Upla kumi sin sip witn dia tasbaya wina ba walara lakras, sins munaia nani bara ba sin.

Baikanka 16

(1) Waitna bara mairin, ba waitna briuya wina ba, ai raitka brisa, mapara buanka apu kira kiamka trabilka sin apukira, ai priaska, ai maritka bara pamali kum paskuma, bara lilya brima wal baku marit lakara, maritka ba tilara slingbi yakabaia.

(2) Upla ba silp ai kupia laka want kaka sipa marit takaia, naha lika ai kupia laka kat, naha na raitka kumsa.

(3) Pamali kum ba ban painkira sa baku paskan sika ai raitka brisa kankahbaia kuntri ta upla nani ba bui.

Baikanka 17

(1) Upla sut ba ai raitka brisa, un aidukia bri kaia, upla aikuki apia kaka yakan.

(2) Upla kumi sin sip upla dukia dakbras.

Baikanka 18

Upla sut ba prisa lukaia, diara sut dia want ba ai priaska dukiara sin tila mangkan sa prias walara waia, ai kasakka lukanka baku pri lakara priaska dukiara aisaia upla aikuki, apia kaka yakan yakan, paramra bara yukuwanra kabia sin, smalkankara bara, alki daukaia mapara.

Baikanka 19

Upla sut ba ai raitka brisa, dia aisaia bri ba aisaia; naha raitka na tila dimisa upla kumi sin munaia apia natka sutra pri swibia, makabanka dauki sapa baha wina sturi nani, saki aisaia dia natkara kabia sin.

Baikanka 20

(1) Upla nani sut ba ai raitka brisa pri lakara asla takaia bara asla takanka laman laka wal.

(2) Upla kumi sin taiban laka wal yaka asla takanka walara waia apia.

Baikanka 21

(1) Upla sut ba pri sa dia sat asla takanka ra wark takaia kaka ani gabamintka ta bri kaka sin wapni wark takaia apia kaka sin pri lakara wahbi sakanka.

UPLA NANI RAITKA

Yabal ba

(2) Upla sut ba ai raitka brisa nahki kaia ba, yamni iwan mai daukisa kaka, baku sin kuntrikam ba tambaikaia sa.

(3) Tawan kupia laka ba sika tawan karnika; baha ba siika liksan nani wan kupia laka dauki ba ai lilyika briaia aima banira, but munaia ba yukuwanra ai impakanka ba sin.

Bara naha karnika na ta baikaia sa.

Baikanka 22

Upla sut ba, tila uplika baku, tawan uplika baku yawan na wan raitka brisa, diara sut ba, yamnika briaia pat taki wina bara lata tani hilpka bak ku sin bara wan iwanka ba, wan iwanka wan natka, ba taiban laka apia wal, pri laka wal wark daukaia sa.

Baikanka 23

(1) Upla sut ba ai raitka brisa ai warkka ra, liksan kum pri laka ra, sut wal baku kaia y bara ai auya pah kaia ai wark ka sutra bara upla kumi sin ai warkka wina sip sakras.

(2) Upla sut ba ai raitka brisa, aihka kaikan kaia apia, ai mana sin wal baku kaia ai warkka ba wina.

(3) Upla an wark taki nani ba, ai raitka brisa hilpka kum yaban kaia wal baku wala nani wal, bara yaka ai auyapah kaia, ai pamalika nani aikuki baku natkara ai raitka nani ba sipsa briaia bara diara sut ba aitani kay wabia, ani yuara nit kabia bara, dia dukiara kabia sin wan iwanka tanira alki yamni daukaia.

(4) Upla sut ba ai raitka brisa asla takanka nani paskaia, ai raitka kankahbaia dukiara.

Baikanka 24

Upla bani ba ai raitka brisa ris briaia, taim nani pri bri taim, taim Prahni kum briaia de

ai warkka sut luan taim apia kaka bakisan banira aibapi pyuara.

Baikanka 25

(1) Upla sut ai raitka brisa ai rayaka dukiara ai kaina kaikaia bara sin rayaka kan sunaya, baku sin ai pamalika, nani sut kaikaia siknis pyuara hilpka pliki yamni daukaia, el kwalka nani, watla, aima an warkra wiba, wan iwanka ra; wal baku ai raitka brisa upla wala nani ba wark apu ba, kahwa nani ba, piarka, almuk diara wala nani ai tnayara kir ba trabil sat sat ba taka.

(2) Mairin kuihra nani ba bara tuktan sirpi nani ba kau pain main kaikaia sa. Tuktan sut aisubi takan ba marit luhpia, apia kabia sin wal baku kan kahbaia sa.

Baikanka 26

(1) Upla sut ba ai raitka brisa skul dimaia. skul ba prisant kaia, ani kat kuntri ba sip ba kat. Ani kat wan kuntri ba yabaia ba pri kabia bara taibi munan kabia. skul sat wala nani ba natka walara kaikan kabia baha ba skul tara nani kabia, upla bani ba ai tanka bakat.

(2) Skul smalkanka ba yabal kumi bri ba nahki muni upla ba yabalka mangkaia rispik laka upla raitka ra yaia, pri laka bara kasak laka ba wal; lukanka bani ba karna daukbia, kupia alki takaskan ka laka bara pana laka sin nisan nani bara kiamka nani sut ba; Naciones unidas Nisan nani aslika warkka ba sin kau tabaikaia yawan laman laka ba n bri kabia.

(3) Aisa yapyt nani ba kau ai rispikka lakaba bribia dia satka smalkanka ba ai luhpia nanira yaia ba.

Baikanka 27

(1) Upla sut ba ai raitka brisa pri laka pis kum briaia wan iwanka natkara wan tasbayara, lilya briaia wan paskanka bara diara kum daukaia, wan pawanka ka ayawanka tilara yaka diara yamni kum bal takaia.

(2) Upla nani sut ba ai raitka brisa ai kaina kahbanka rispik laka aiska sut ba dukiara baku sin witin ra dia yaia ba, ai warkka tanka bakat, wark kum sins tiuhka tanira wina saki wan mariki ba apia kaka ulbi ba dukiara.

Baikanka 28

Upla sut ba ai raitka brisa wan iwankara la kum mangbia lata tani wina karnika wal wan raitka nani yawan aima bani aisiba baku sin asla takanka nani aisanka nani ba kasak diara kumra takasbia.

Baikanka 29

(1) Upla sut ba ai bisniska brisa, tawan ra rispik munaia, kan bara baman sipsa upla ba ai warkka dauki yamni kaia.

(2) Witin ai raitka dauki bara ai prika laka nani ba wal, upla sut ba diara Prahni bri kabia daukaia bapanka kum la ba mita yabal kumi wal trai munaia wan lukanka ba, rispikka laka ba wal, yaka ai kupia laka, wapni bara ai kupia laka ba wal, upla sut ba pri lakara diara dauki kabia (democracia) laka ba baha sika.

(3) Naha raitka nani bara prika nani sip apia kabia, nisan asla takanka bapanka nani bara natka nani bara ba mapara buanka daukaia.

Baikanka 30

Diara apusa naha aisankara bal naha dukiara aisaya lika yawan aisaia muni ba kuntri laka nani ba dukiara baha sinska laka ba wal yawan aisisa, baku sin yawan kaikisa naku natkara baman lika yawan sip kabia aisanka bani dia dauki aula ba karna daukaia.

**Param sakanka Nisan
nani asla takanka ba
Krismis kati 10,
1948 mankara**



**Declaración Universal
de Derechos Humanos**

WAN KUNTRI LAKA WAHYA NANI KUM KUM

TA BILA III PISKA KUMIKA NIKARAWA UPLIKA NANI

Numbika. 20. Tasbayam luhpika sma ba sip mai taibi mai munras prikam laka ba wina. Nikarawa luhpika baku sip man tiuras plis walara wih baha wina takram kabia sin.

Luhpika

TA BILA IV RAITKA NANI, BISNISKA BARA KASAKKA NIKARAWA UPLIKA BAKU

PISKA I – SILP WAN RAITKA

Numbika. 23. Wan rayaka raitka naha na sip rau munras bara sip dakbi sakras upla ba wina. Nikarawara la bui sip mai ikras.

Rayaka

Numbika. 24. Upla sut ba ai bisniska brisa, ai pamali wal, ai tasbaya wal, ai kuntrika bara ai uplika nani sut wal.

Upla bani ai raitka ka ba prah daukansa wala nani raitka ba mita, wala nani ai kankahbaia dukiara diara sut ba yamni lakara brih waia taka ba mita.

Numbika. 25. Upla sut brisa ai raitka:

- 1) Yakan prika laka.
- 2) Kainam kahbanka.
- 3) Winam tara ba kulkanka
Sins kam laka



Pri laka

Kankahbanka

Numbika. 26. Upla sut ba ai raitka brisa:

- 1) Silp ai rayakaba bara ai pamalika sin.
- 2) Rausauhkanka apu laka ani pliskarasmara, man dukiam nani, aisankam nani sutra.
- 3) Rispikkam laka brismara bara mai kulkanka laka ra sin.
- 4) Diara sut nu kaia man dukiamra dia ulban kaka kuntri taka uplika nani ba bui, baku sin nutakaia raitka, dia muni, baku sin dia lukanka wal diara nani ulbanba. Wampla kapaiaasa kaka kwatmas ba Wihta wina wauhtaya kum wal mamrikanm kaiasa baha apia sa kaka:
 - a) Upla nani wamplara takaskuya la pura luisa naha satka dukia nani ba blistusa man hilpkam plikaia;
 - b) Wampla ami kaka, lisamra apia kaka diara wala taka mita, apia kaka sin upla tamyahki mai brisa kaka rayakamba pat mihtara;
 - c) Ani yuara upla sat kum Wamplara bikisa apia kaka diara saura daukaia sainka kaikisma kaka;
 - d) Nina blikanka kum mai daukisa kaka impaplikra kum bui;
 - e) Upla kum rayaka swaki sakaia upla bui yukuki bri taimkara.

Dia kabia sin, la ba bui tanka pliki nina blikbia.

La ba tanka bani ba plikisa, bara turbisa diara kasak ba tanka briaia dia sat wauhtaika nani kabia sin, Kulkaia bukka nani kabia bara tnayara kabia sin, ani yuara diara tanka kum ba yukuwanra bara pyuara baha sut ba tanka paramra sakan pyuara, pura kakaira nani mihtara mai lakisa lamka ba daukaia. Wauhtaya nani, bara dia wala nani kra kaikaia apia dukia nani kra, la kas mihta dakban kaka sutba wapnika mangkan kaia sa

Numbika. 27. Upla sut ba simsat sa la mawanra bara ai raitka sin wal baku brisa bara kankahbanka sin. Upla kumira sin taki kulkanka apu kabia aisubanka natka ba mita, tasbaya ani wina ba mita, pulitikka tawan, kiamka, mairin apia kaka waitna ba mita, bila aisanka mita, priaska mita, aisanka mita, ani wina , Lahla bri apia kaka umpira bara ai iwanka aiska ba dukiara.

Nikarawa uplika nani ba sim raitka brisa upla wala nani bri ba baku, pulítik uplika nani lika apia; witin nani sip dimi balras, tawan bilara.

Wal baku

UPLA NANI RAITKA

Yabal ba

Numbika. 28. Nikarawa wina nani lata tanira bangwiba ba ai lilyasa ai kankahbaika bri nara naha warkka na kuntri wina upla nani barasa wan pura kakaira nani witin nani bui wan raitka ba laki kaikisa diara sut yamni waia ba dukiara.

Numbika. 29. Upla sut ba ai raitka brisa pri laka bri kaia, ai auyapah laka baku sin pri lakara aisaia prias ra baman apia. Upla kumi sin taibi munan kaia apia, wan raitka sauhkankaia apia baku sin upla kumi sin taibi munaia apia, ai kasakka lukanka sat wala briba dukiara.

Numbika. 30. Nikarawa uplika nani ba ai raitka brisa aisaia pri laka wal paramra apia kaka yukuwanra kabia sin, yakan apia kaka daknira kabia sin, ai bila wal, ulbi wal apia kaka nahki natkara kabia sin.

Numbika. 31. Nikarawa uplika nani ba ai raitka brisa sipsa taki waya bara sin bal dimaia ai yuika nani kaiki, ai takaskaika sin, baku sin Kuntri wala ra taki wih bal dimaia sin prisa.

Numbika. 32. Upla kumira sin sip taibi munras la ba bui adar kum yaras kaka, baku sin sip kaina prakras la bui saura wiras sa kaka.

Numbika. 33. Upla kumi sin sip silakra mangkras ban wina, sip sin taibi brikapras diara saura daukras sa kaka sipsa wal aisi daukaia. Baha mita:

1) Silakra upla mangkaia ba, Wihta kum ba bui adar kum yabia kaka sipsa, apia kaka la ba bui baku bapan sa kaka, ban sakuna saurka daukan ba uba pali saura sa kaka sipsa silakra kauhwaia.

2) Silak uplika sutba ai raitkasa:

2.1. Diara sut ba win kaia sa takaskaia apia, witin ai bila kat apia kaka dia sat bila wali ba bilara aisi win kaia sa; dia muni silakra mangkan sapa ani kat saurka ba daukan sapa sut wiaia sa. Pamalika nanira wiaia sa, dia muni mangkansa.

2.2. Pri mai sakan kaia lalka adarka kat taimka kat bara laba kat, awar yawan aiskawal mangkan ba kainara, mai alkan awarka ba wina.

Lukanka pri
laka wal

Lukanka
param wal

Pri laka
ayawanka

Silak uplika
nani raitka

3) Ani yua patka ra kahban ba wina tnata alkuya ninkara, upla kumi sin sip kli silakra mangkras kabia ani pyuara pri sakan wauhtaya kum aisi kaikuya ba wina Wihta ba bui.

4) Silakra upla patkas mangki bani ba wihta ba mihtara sa laka ba laki kaikaia kasak tanka ba wal.

5) Upla silakra nani ba ta upla nani ba bui plis kum yamnira bri kaia sa sat wala ra.

Numbika. 34. Silak uplika bani ba yamni lakara brikaia ba ai raitka sa, naku natkara:

1) Ai patkaska tanka ba aisabia, ani yuara ai patka ba paramra sakras sa kaka sip patra waras.

2) Laka ba pat daukaiasa ta uplika ai bisniska ba kat. Upla kumi sin wihta kum mihta wina walara brih waras.

3) La mihtara sma pyuara la uplika nani aikuki trabilka nani natka kat la ba mita. Ba taim mahka turbi kaikanka ra dimisma.

4) La uplika kum ridi dauki yaka tabaikaia ta wina tnata kat, baku sin ai taimka mangkbia bara la aitani wal tabaikaia dukiara.

5) Upla kum pliki sakbia witin tawan aisaia taura, kaina kahbi uplika kum apu sa kaka, apia kaka apu kan kaka, la ba bui winanka daukan pyuara.

Upla kum laka dauki ba ai raitka brisa pri laka wal aisaia ai layarka bri ba wal diara sut kainara.

6) Bila kat laki uplika kum wal kaia sa prisant lukanka wal hilp munaisa kaka upla bila aisaras taka mita.

7) Sip taibi munras ai mapara aisaia ai maya mapara sin ai pana wal aslika ra sin apia, apia kaka ai taya laiura kumra sin, bara wala ai librika baikan ra sin apia, bara ai winara kat sin sip patra kahbras.

8) La ba ulbi sakbia la tanka ba kat, ani pliska nanira naha laka dauki banira.

Laka dauki
nani ba natka

UPLA NANI RAITKA

Yabal ba

- 9) La tara uplika kum ra wih kaikaia, lamka ba laki kaikan kaia ba dukiara patra mai lulkan sa sapa trabil nani. dukiara.
- 10) Kli laka daukras sa kaka saurka daukan ba dukiara, pat ra tawan apia kaka saurka swin tikan.
- 11) Laka daukras bara pat ra kau lakras, saurka daukan taimkara, kaina manisra laki kaikras la aisanka ba wal sip tanka briras, pat ra lakras laura sin kahbras bara sip diara daukras.

La kum ulbi sakaia, apia kaka lukanka yamni apia wal patka kahbaia.

La kum daukaia ba blistu sa paramra daukaia. Sturi param saki nani ba (prensa) bara upla sut mawanra baha ba ria takaskaia sip sa yawan rispik laka ra bara tawan bila lamanka laka dukiara aisisa.

Saura daukan uplika ba, bri kaia, la taka kum baku ta wina tnata kat baku sin natka nani sut ra.

Numbika. 35. Tuktan sirpi nani ba sip laura kahbras. Diara kumi sin sip daukras. Tuktan sirpi saura dadaukra nani ba sip la kumra sin dingkras, plis kumra brisi swiaia bara la uplika nani bui laki kaikbia dia daukbia sapa.

Numbika. 36. Upla sut ba ai raitka brisa, wina tara ba yamni briaia wina tara, sinska bara rispikka. Rausauhkan apu kabia, alki daukanka, saura munanka, upla apia baku diara taski aisi. Naha satka saurka nani ba sip sa la alkaia.

Numbika. 37. Upla kum patra wan ba wina kau yari sip daukras. Sip upla kum ra 30 mani pura pat ra lulkras.



Rausauhkan apu
kaia

Numbika. 38. La ba ai winara diara kum kli tawaia dukia apusa, kuna, diara kum bara sa kaka uplika ba tanira kuna sip sa.

Numbika. 39. Nikarawa, bilara patra lulkan uplika nani ba bapanka kum brisa diara lan dauki upla kum sat walara Aslaki kli tawanra yaya. Naha aslika takan nak pamali nahki main kakaia, wan wina tara yamni briaia, wala ba smalkanka karnika bak ku, natka, kum ra yaka wark daukuya silak watla bila kat, ba mana hilpka sirpi kum yabuya ai nitka nani atkaia.

Mairin nani patra lulkan ba silak watla sat walara kabia waitna nani ba baku apia sa, baku sin mairin nani main kakaira ba mairin ai tahkia kabia.

Numbika. 40. Upla kumi sin dukia dadaukra kabia apia. Alba laka bara natka saura ra aisanka laka, naha na kli daukras kabia.

Numbika. 41. Upla kumi sin silakra wabia apia upla wal tras briba tawan. Naha na la bui sip wapnika mangbia apia, kan upla bani ba, ai traska briba aibapan kaia sa.

Numbika. 42. Nikarawara rispikka yabisa yukuwaya pliska kum ba, baha ba raitka kum sa upla nani sut ra. Naha yukuwaya watla na upla nani pri laka, upla raitka, laman laka ra taukikan ikaia nina bliki nani ba yukuwaika sa.

La bui wapnika mangbia lata tani aisanka nani ba aikuki la nani kum kum Nikarawara kli karnika yaban sa. Bankra yu kum trabilka nani na ria takbia bara ya plapi taukisa kaka, sip kli ai kuntrika ani wina balan bara blikras kan ikaia nina bliki bara.

Numbika. 43. Nikarawara la kum sin apu sa, kuntri wina wan uplika kum ra kangbaya, lahla bisniska dukiara, apia kaka pulitik bisniska dukiara kra, apia kaka tasba wala nani wal aisanka nani bila wali kra sin apia.

Nikarawa uplika nani ba kumira sin wan tasbaya wina kangban kabia apia.

Numbika. 44. Raitka ba kankahbisa, ai dukia pali baku, bri nani ba yamnika pali, bara ritska nani bara ba natka nani pliki

Patra lulkan nani

Yukuwaka
raitka

Wan
prapatika

nahki sakaia. Nahki impakanka daukan ba wan iwanka bara wan ritska nani ba wal. Naha raitka na prakanka kum brisa, upla sut dukia ba tawan apia, tawan intriska baku nara diara daukaia nani ba bara daukaiai apia nani ba la pura lui bankra yaka daukaia. Diara kainara nina makan nani ba yamnika nani ulbanka kainara bara aisan nani ba sipsa, mihta dakban dukia nani kaia sin, la ba mita apia kaka taura aibapan kaia.

Trai muni sa mihta dakbaia dus satkara bara ba mangkras dukia nani; diara mangkaia dukiara, la ba bila wisa, aibapan kaia sa, aibapanka pyua kat intris nani wal kan uplara sauhkisa ba mita.

Upla dukia dakbaya ba saura kaikansa. Ta upla nani kum kum naha laka sauhki nani ba, aima banira aisi kabia nahki praiska uplara sauhki auya ba dukiara.

Numbika. 45. Upla nanira raitka sauhki aula nani ba uplika nani ba aman ai dara walaia sa sipsa patra waia, la kum bara sa, nina ai wina kat karna pulanka laka (recurso de exhibición personal), dia sat dukiara la dingkuma ba wauhtayara param kaia bara la ba wal dingkaia sa.

Numbika. 46. Wan kuntri tasbaiara upla sut ba lilya brisa ai kaina kahban ka bri ba mita, baku sin kulkanka laka brisa upla baku raitka aiska, kankahbanka ra bara ai raitka nani sin aisanka tara ra dia aisi daukan ba baku, baku sin naiwa kat ai karnika brisa wala ba upla nani ai bisniska bara ai raitka sin; wilkanka kum daukan ba wal lata karnika aikuki Lahla bisnis-kara, iwankara bara wan natka nanira sin; sakuna tani walara lika sibil raitka bara pulítik raitka bara (Naciones Unidas); upla raitka dukiara aisanka alki daukan nani sutra.

PISKA II

PULITIK RAITKA

Numbika. 47. Nikarawa wina sa upla sut mani matawalsip pura matlalkahbi briba.

Wan kuntri wina baman pulítik raitka wal ai lilya brisa wan Kuntri laka tarara dia ulban bakat, kau sin pura prakras muni sin sakraskira.

Raitka kan
kahbisa

Upla
raitka

Tawan uplika

Upla nani raitka ba dakbisa ani pyuara man taiban laka wal patka kum saurara mai kahban sa kaka apia kaka trabil sirpi nani kum kum brisma pyuara, apia kaka patkas pali patra mai kahban sa kaka kainam dakbanka tara kum wal trabil brisma kaka sin.

Numbika. 48. Wal baku laka mangkansa Nikarawa uplika nani sut dukiara; bara pulitik raitka nani sut dia daukaia bara kasak aihwa warkka ba alki daukaia laka ba sin; nahara mairin bara waitna nani sut raitka ba takisa.

Wan kuntri bisniska palisa yabal prawan nani ba sut param sakaia naha nani sika wal baku lakara yaban yamni warasba wan kuntrika bilara pulitik, lahla bisniska bara wan iwankara sin.

Numbika. 49. Nikarawara raitka brisa asla takanka nani paskaia wan tawankara wark tatakra nani ba warkrasa, las mairin nani, wahma tiara nani, diara mamangkra nani, diara papaskra nani skul diman nani, wark tanka kakaira nani, lalukra nani, miusik papulra nani, prias ta bri nani, Kus Atlantik ra upla nani iwi nani bara upla nani aiska sut, kumira sin tnayara lakraskira, bapanka kumi wal, sut ba yabal kumi alki saki brih taki waia kumi bani ai lukanka bara ai intriska nani kat baku sin tawan intriskara sin lukia.

1. Naha asla takanka nani ba paskisa upla lukanka yamni bri nani bara diara nani tilara taukaia lihki nani, witin nani aitawanka dukiara diara kum bri kabia bara pulitikra luki kabia apia kaka sin lukras kabia kra, yawan rispik munaia sa

Numbika. 50. Upla nani ba ai raitka brisa wal baku kaia diara sutra bara ani yuara wark nani daukaia pyuara tawan uplika baku sut aikuki wark daukaia sa. Baku lika sip kabia upla sut ba ai raitka wal baku bribia, dia dia warkkara kabia sin

La ba wal ridi kabia, laiura apia kak wan lama kat kabia sin, wark nani sutra aikuki kaia.

Numbika 51. Upla nani ba ai raitka brisa aima wal wahbi sakan kaia liksan banira, ban sakuna naha mapara la kum bara sa kaka sip kabia rispik munaia kuntri laka baku. Upla bani ba sip kabia tasba warkka nani daukaia la bui baku wan wisa.

Pulitik raitka,
lilyakira

Asla warkka

Upla nani
ayawanka

Wahbi mai sakan
kaia raitka

UPLA NANI RAITKA

Yabal ba

Numbika. 52. Upla nani ba ai raitka brisa makabaia, dahra sakaia diara saura nani ba bara kupia kraukanka yamni yaia, tnayara yakan saki apia kaka daknira, kuntri ta bri nanira; yamnika kum isti briaia dukiara apia kaka walaya ahkia kat sip kabia sapa pana aisanka kum walaia baku sin la ba dia wisa sapa.

Numbika. 53. Aisi kaikanka laman laka wal: naha ra lika adar sakaia nit apia sa.

Numbika. 54. Aipaswi, diara aisikaikanka nani daukaia ba aitani kaikisa tawan ayawanka daukaia la tanka ba kat.

Numbika. 55. Nikarawa uplika nani ba ai raitka brisa asla takanka dauki bahara ai nina mangkaia apia kaka baiki sakan-ka kum walkaia karnika pliki sakaia.

PISKA III

IWANKA RAITKA

Numbika. 56. Kuntri ta uplika nani ba ai kiama mangki walbia bapanka nani kahwa nani dauki ba bara pruan pamalika nani aisi ba baku sin war ra kauhwan nani sut dukiara.

Numbika. 57. Nikarawa uplika nani ba ai raitka brisa ai wark-kara bara ai natka ba kat upla baku.

Numbika. 58. Nikarawa uplika nani ba ai raitka brisa ai natka bara ai iwanka paki bria waia.

Numbika. 59. Nikarawa uplika nani ba ai raitka brisa, sut wal baku, ai wina tara yamnikara. Kuntri taka uplika nani ba trai munbia natka sutra yaka upla nani ba yamni kabia dukiara, pawia, kli rawi buaia bara saurka wina kli yamni kaia. Kuntri ta upla nani ra kauhwise asla daukaia, paskaia, bara wan wina yamni ka dukiara baku muni lan munaia wark nani dauki paw waia.

Tawan luhpika nani ai raitka brisa klin laka nani ba alki briaia.

Numbika. 60. Nikarawa uplika nani ba ai raitka brisa, plis pain kumra kaia. Kuntri ta bri nani ba ai bisniska sa, kankahbaia bara pliki sakaia yamnika kum wan tnaya kir ra.

Makabaia
raitka

Asla takaia

Param aisaia

Pulitikra kaia

Wark

Skul

Wina tara
yamnika

Numbika. 61. Kuntri ta bri nani ba Nikarawa uplika nanira raitka yabisa kasak laka wal kaia, ai kaina kahbanka aiskara wan iwanka rayaka ra bara wark nani taki nani ba dia la nani mangki bakat.

Numbika. 62. Wan kuntri ba trai munbia pawanka nani bapaia kahwa nani dukiara, ai wina tara ba kli yamni daukaia dukiara, sinskara, ridi takankara bara yaka wark kum briaia.

Numbika. 63. Nikarawa uplika nani raitka sa kan kahban kaia plun dauki ba wina. Kuntri ba pawanka kum bapbia kasak natkara ridi takanka kum plun yuanka nani pawanka daukbia upla nani sut dukia.

Numbika. 64. Nikarawa uplika nani ba ai raitka brisa a una utla yamni kum, aitani kat bara sibrin apu pamali kum ai raya-ka tanka kat kaia. Naha raitka ba kuntri ba yabia.

Numbika. 65. Nikarawa uplika nani ba ai raitka brisa pulanka nanira, wan wina tara ayawanka nani, pulanka satkara bara wina lapta daukankara. Kuntri ba pulanka natka sat sat nani pakbia, wapnika la tanka wal. Naha na natka yamni wal alki daukan kabia.

Numbika. 66. Nikarawa uplika nani ba ai raitka brisa dia wali ba aisaia. Naha raitka ba lukisa pri laka kum sa aisanka nani daukaia briaia bara param sakaia sturi nani bara lukanka nani Ulbanka sapa apia kaka aisankara sapa sin.

Numbika. 67. Diara kum paramra sakaia ba kasak pali wan mihtara wan uplika nani dukiara lukaia sa., wan kuntri laka tarara dia aisanka ba kat. Naha raitka ba lawi daukanka wal lika apia, sakuna naha na wan ta upla nani mihtara sa la tanka bakat.

Numbika. 68. Sturi nani param sasakra nani ba, wan iwanka warkka dauki ba tilara, ai tasbaya dukiara sin kasak luki kaiasa. Aisanka bara param sakanka kum barasa dia kaikanba aisaisa ai rayakara ai dahra walan wina dia ai tanka bri ba.

Kuntri ba pura kaikbia, sturi param sasakra nani ba, lata tani uplika nani tilara dimi, apia kaka upla wal kupia laka daukbia diara aiska ba witin nani alki briaia dukiara, naha na la ba bui wapnika daukbia.

Kaina kahbanka

Upla kahwa raitka

Dakakanka

Upla raitka

Pulanka bara lilya

Sturi walaia raitka

Sturi param sasakra

UPLA NANI RAITKA

Yabal ba

Wauhtaya yamnika pali ba dia ba, misin apia kaka wark dukia nani bara upla nani sturi param saki tauki naniba ai dukia nani briba natka sutra wark taki ba buk nani sin atki tauki nani ba, bara wauhtaya satka nani ailal wal wark taki nani ba, naha nani sika yamnika ba purara witin nani lal mana aibapi ba wina laiura kabia municipiura bara wan tasbaya aiska sutra. Bawan laka laka nani ba bui diara nani ai bisniska ba wapni daukbia.

Sturi paramra saki uplika nani bara tawan wal apia silp nani ba sip uplara swakwanka nani dukiara aisaras kabia. Natka nani sutra sin sip upla dukia dakbia apia, patka baku kulki natkara sin apia, masin nani briba bara piska wala nani sin, natka walara upla sinskara blikbiasa.

Numbika. 69. Upla an yakan ba apia kaka wal aikuki kabia sin, ai raitka brisa aisan kaia ai churhka dukiara dia kum pan aisaia paramra, priasra kabia sin, las diara nani taki ba alki daukras ba smalkbia.

Upla kumi sin la mawan wina swakras sa, kaina sin sip dakbras bara diara wala sin daukras ai raitka nani ba wal, ai raitka nani ra sauhkras sa ai priaska nanira kasak luki ba taka mita.

PISKA IV PAMALI RAITKA

Numbika. 70. Pamali kum plamaya tara pali kumsa wan iwan-kara bara ai raitka brisa kankahban kaia uplika nani ba bara kuntri uplika nani sin.

Numbika. 71. Nikarawa uplika nani raitka sa, pamali kum paskaia. Witin nani sika wan tasbaya dukiasa, sip kaina prakras sa ai bisniska nani sut wina tnayara sin lakras sa. La ba bui naha raitka na kankahban kabia.

Tuktan sirpi nani ba kasak pali kankahban sa bara raitka sut sin brisa nahkira witin nani want ba kat, ai karnika aiska sin brisa aisanka tara tuktan mairin bara tuktan waitna raitka yan bakat.

Numbika. 72. Marit laka bara asla laka aihwa ba kuntri ba bui kaina kahbansa; waitna ba bara mairin ba ai kupia laka kat mangkan sa, bara sipsa dakwi takaia sim baku ai kupia laka ba kat. La ba bui naha na wapnika mangkbia.

Prias nani laka

Pamali kum
briaia raitka

Marit laka
bara asla raitka

Numbika. 73. Pamali nani prakanka ba, rispik laka ba bui alkan sa, pana pana hilpka bara wal baku pali ai raitkara bara ai bisniska nani sin, waitna ba bara mairin ba sin.

Aisa yapyt nani ba ai bisniska sa utla ba kaina kaikaia baku sin tuktan nani pawanka ba sin, wal aikuki bisniska kumi ra. Tuktan nani ba sin ai bisniska sa rispik munaia aisa yaptira. Naha nani raitka sut ba la ba bui wapnika daukbia.

Numbika. 74. Kuntri ba kan kahbanka yabisa tuktan nani ai-subi taki bara.

Mairin ba kankahbanka sat wala bri kabia kuihra pyuara bara ai lilya bribia mana kum wal, kaikanka natka wala wal.

Upla kumi sin mairin kuihra kumra wark yaras wibia apia witin kuihra ba tawan apia kaka warkka wina sakaia naha nani taimkara; sutba la tanka kat waisa

Numbika. 75. Luhpia nani sut ba simsat ai raitka brisa, natka saura kumi sin yus munbia apia Tuktan nani raitka dukiara nina mangkisa pyuara. La kumira sin apu upla kumi sin ai luhpiara nuapu wiaia apia kaka wala ba kau tara kulkanka yaia.

Numbika. 76. Wan kuntri ba pliska nani kum paskbia tuktan sirpi nani kaina kaikaia dukiara; naha nani ba ai kankahbanka bri kabia, ai skulka, ai natka dia pliki ba kat, pamali saitka wina, kuntri ba wina sin.

Numbika. 77. Upla almuk nani ba ai raitka brisa kan witin nani sin pamali tilara sa wan kuntri bilara.

Numbika. 78. Kuntri ba almuk nani kankahbisa ani yapti nani kasak ai bisniska kaiki nani ba. Kuntri ba la kum bapisa yapti bara aisa naniba tanka plikaia.

Numbika. 79. La kum sakisa intris tara wal tuktan sirpi nani pawanka ra. La ba bui naha wapnika mangkbia.



Pamali bisniska

Kankahbanka sat wala

Tuktan mairin tuktan waitna raitka

Upla almuk nani kulkanka laka

Tuktan kum paki briaia ba

PISKA V WARK TATAKRA NANI RAITKA

Numbika. 80. Wark ba wan raitka kumsa baku sin wan bisnis-ka tara kum sa wan iwankara. Nikarawa uplika nani ai warkka ba yabalka kum sa, wan iwanka ra upla nani sut ba kupia laka daukaia, upla nani bara ritska nani bara wan kuntri pawan-kara sin. Wan kuntri ba naha warkka na alki bribia nahki muni wark nani ba upla sutra yaka waia, baku sin upla sutba wark taki kaia dukiara.

Numbika. 81. Wark tatakra nani ba ai raitka brisa, kampany nanira taura ai warkka ba wal natka plikaia bara pakaia dukiara sala takanka nani aikuki.

Numbika. 82. Wark tatakra nani ba ai raitka brisa naha dukia nani ba bri kaia:

- 1) Ai mana ba ai warkka ba wal baku, simsat, dia natkara wark taki ba baku, saura munan kaia apia pulitik dukiara, priaska ba dukiara, kiamka ba dukiara, mairin apia kaka waitna sa dia sat natkara kabia sin ai raitka brisa.
- 2) Ai warkka mana ba ai wakka pliska kat briaia.
- 3) Upla mana pali nani ba bara warkka nani daukan ba, ai pamali nani main kaikan ba lika apia baku sin yawan lukisa kumi bani ba upla sa, naha sat dukia nani ba la bui wapni daukbia.
- 4) Wark daukaia tanka ba yarka witinra karna daukbia klin laka ba yaka ai sinska laka wal sipsa ai rayaka bara upla wala rayaka swaki sakaia baha warkka bak ku.
- 5) Wark awarka ba 8 awar baman, wik bilara ris briaia, bakisan, bara yu nani bara sa bak sakan yua nani, baha yua nani mana ba aibapaia sa.
- 6) Wark kum ra aima bani ban bara kaiasa la ba kat raitkam ba sika wal baku kaiasa sanska nani sutra.
- 7) Kankahbanka aiska baku sipsa karna kaia bara kahwa sma kaka, almuk, ban ban.

Upla sut
warka

Wark tatakra
raitka

Numbika. 83. Tanka brisa huelga daukaia raitka.

Numbika.84. Tuktan sirpi nanira wark munaia ba la apiasa, baha warkka ba bui sipsa tuktan ai pawankara sauhkaia apia kaka witin ai natka nani bri sut sauhkaia. Adar yabia apia kuntri ba bui naha satka laka nani ya daukbia want kabia kaka.

Numbika. 85. Wark tatakra nani ba ai raitka brisa ai natka bara ai iwanka tilara kaia, natka sutra, kuntri ba naha kaina kaikbia pawanka warkka nani kum wal.

Numbika. 86. Nikarawa uplika nani sut ba ai ratika brisa dia sat warkka kabia sin lan kaka daukaia, wark kum ba wahbi sakisa wauhtaya wal kau tara apia sika kuna wan bisniska sa baha nani ba yaka ai warkka daukaia.

Numbika. 87. Nikarawa kuntrika ra lika asla takanka bara sa upla nani hilpka daukaia, wark tatakra ba asla taki ai aslika takanka paskan bara naha nani ba la ba kat yaka kuntri ba bui karnika yabaia. Wark tatakra kumi sin bisnis apusa taiban lakara kaia, apia kaka sin ai warkka wina swiaia. Naha aslika takanra rispik laka bara sa kan pri laka kat bara ba tawan.

Numbika. 88. Kasak pali karnika yabisa raitka kum sip wala wal prakras ba wark tatakra nani ai raitka kankahbaia dukiara aslara, ai lilya briaia dukiara:

- 1) Yakan ai kantrakka.
- 2) Asla lakara wark taki, bara aikuki la ba kat pawankaia.

PISKA VI ATLANTIK KUSRA TAWAN SIRPI NANI BA RAITKA

Numbika. 89. Atlantik Kusra tawan sirpi nani bara ba sut Ni-karawa kuntrika tasbaya piska kumsa sip dakwi takras sa: baha mita, wala nani dia raitka briba baku brisa, baku sin ai bisniska ba wala nani baku sa.

Atlantik Kus uplika nani ba ai raitka brisa ai natka nani ba ban brikaia bara ai kiamka nani sin pakaia ai daukanka nani sut wan kuntri aslika baku; marikankaia nahki asla taki ai ta uplika nani sakiba ai natka nani bakat.

Mapara buanka
raitka

Raitkam sa ani
warkka want sma ba

Raitkam sa asla
takankara kaia

Aisanka raitka

Klauna laka

UPLA NANI RAITKA

Yabal ba

Wan kuntri ba kulkansa na ha tasba nani ba sut ai-kukiai dukiasa upla kumi sin yakan diara apusa sut ba ai dukiasa. baku natkara witin nani sin ritska nani sut wina ai dukia brisa.



Numbika. 90. Atlantik Kus uplika nani ba ai raitka brisa sturi param aisaia bara ai yapti bila ba sin, ai natka ba sin. Ai natka nani ba bara ai daukankaba kau auhni daukisa wan kuntri natkara. Wan kuntri ba bapanka wala bapbia naha nani ba ta baiki waia dukiara.

Numbika. 91. Kuntri na ai bisniska sa la nani bapaia wan natka, wan iwanka nani ba kau karna daukia dukiara, Nikarawa wina kumi sin sip upla bui kulkras kabia apia.

Asla aisanka



- ▶ **Numbika 50** ra karnika yaban Nikarawa uplika nani ba sipsa diara tilara kaia“upla nani diara kum aisi kaka baku sin kuntri hilpka plikaia karnika ra sin”, Man nahki baha raitka ba brisma tawankamra?
- ▶ **Numbika 52** ba raitka nani ba laki kaikisa kupia kraukanka yamni wal sapa”. Man baha raitka ba aima kum yamnika kaikram ki? Man pamnika nani apia kaka warkkam uplika kumwal kra? Nahki dauki bangram? Man diara yamni kum sakram ki baha wina? Man mampara kupia kraukanka ba dia sa?
- ▶ **Numbika 59** ra wan raitkara karnika yabisa wan wina yamni briaiara. Dia trabilka brisa ki naha warkka na kainara waia ba wan tasbaya Nikarawara? Nahki muni sipsa wapni daukia? Tanka kum kum mariks.
- ▶ **Numbika 60** ra raitka karnika yabisa “plis kum yamnira bara kaia”. Dia trabilka bara tayahkanka mita yaban man nani raitkam ba sip ai kainara waras?
- ▶ **Numbika 64** ra naha raitka ra “utla yamni kum alala bara kasak”. Man baha raitka ba alki dauks? Nikarawa tasbayara dia trabilka bara kabia upla nani sut ba naha raitka na alki daukia sa kaka? Nahki sip kabia naha trabilkana wapnika mangkaia? Dia yabalka bara sa ki naha warkka daukaia?
- ▶ **Numbika 65** ra Sut ba wan raitka brisa“ pulanka nanira, wan wina tara lapta daukaiara, Man naha raitka na sipsma ki alki daukaia? Dia dukia nani man mampara yamni kabia bara dia dukia nani man mampara trabil mai munisa? Bara dia trabilka nani brisa ki tawan aiska ba naha raitka na alki daukaia pyuara?
- ▶ **Numbika 66** ra karnika yabisa naha raitkara “sturi kasak ba”. Nahki naha raitka na man alki daukisma? Dia satka trabilka nani wal minam prukisa naha raitka Nikarawa tasbayara alki daukaia ba?
- ▶ **Numbika 82** ra Wan wisa dia sipsa yawan daukaia raitka nani briba Nikarawara wark tatakra baku. Aisi kais bara pana pana aisi kaiki bangs, man sa sapa apia kaka wala sa sapa, Bara diara wala nanira kaka? Bara naha laka na alki daukras sa kaka ¿Dia muni baku takisa? Tanka nani kum kum marikaia. Dia sipsa daukaia naha rau sauhkanka na dukiara?

RAITKA NANI KUNTRIRA

*Nikarawa lakara rispik munisa
Nikarawa uplika nani raitka ba. Yawan yamni nusa baha
laka ba barasa wahya nani 41 bara 55 ra, walra asla dauks
raitka bani ba rausauhkanka nani an kaikisma nani bawal
mihtam aihkika tanira nani ba wal.*



- YAKAN WAN RAITKA
- KUS UPLIKA NANI RAITKA KAN KAHBI KAIA MAN NATKAM KAT
- RAITKA KUM UN WAN DUKIA BRIBA
- WAN WINA TARA RAITKA BA
- ANI PARTIDUKARA KAIA WANTSMA BA RAITKA
- PRIAS KUMRA KAIA RAITKA
- WAHBI SAKAIA, BARA WAHBI MAI SAKAN KAIA RAITKA TAWAN TA UPLA BAKU
- NATKAM BARA IWANKAM BARA SKULKAM RAITKA
- TASBA WALARA TAKI WAIA BARA BAL DIMI KAIA RAITKA
- ASLA TAKANKA PASKAIA RAITKA
- PLUN PIAIA RAITKA
- UPLA AMUK NANI RAITKA BARA KAINA KAHBAIA

Liksan ta bri nani ba bui man pulitik kam daknikara adar yaras kan la wina wauhtaya kum brisma ba sin kulkras kan.

Silakra mai mangkan adar kum apu wal.

Liksan ta bri uplika nani bui siduliki wauhtaika nani sut ridi kuna maikaia want apiasa

Skul laka nani ba bui bapanka kum brisa, hilpka laka yabisa.

Gabamint ba kwatmas nanira adar yaban upla nanira kangbi sakisa ai tasbaya wina.

Aisa saura kum ai luhpiara plun yaia want apia sa.

Makabanka dadaukra bui maikan man ani priaskara.sma ba aisama wantsa.

Kampani ba uplara kanbisa upla nani ba asla takanka kum paski ba tawan.

Ta upla nani ba miskitu tasbaya kum ra miskitu bilara sturi param sakaia want apia sa, uplika nani ai bila ba kat.

Ta upla nani ba karnika kum yabisa upla nanira ya adar kum want sa kaka tasba walara taki waia dukiara.

Ta upla nani ba adar kum yaia want apiasa upla almuk nani aitani kat ai mana aibapras kan nanira.

Kwatmas ba silak uplika kumra rau munisa ai dahra yamni sakras ba tawan.

**Aiklabanka tara ba upla
raitka nani dukiara, wan smalkisa
wan walkara tabaiki bak ku**

(Luki kaiki pana pana aisi kais naha lukanka nani na)

Wis waitna bara pat aisi bangwisa raitka sut ba. (José Martí)

Wal kamra rispik munisma ba laman laka sa (Benito Juárez)

La kau tara ba: yamni dauks, walara kaikpara. (Sabiduría popular)

Kau lilyasa ya briba, yabi ba baku apia. (*Jesús de Nazaret*)

Upla bani ba un ai sibrinka ba dawanka sa. (*Pedro Joaquín Chamorro*)

La dauki bak upla ba kasakira takisa. (*Proverbio árabe*)

Muihkam ra walisma ba Dawanra wali (Principio budista)

Yari ba baman brisna. (Miguel de Cervantes)

Yamnisa tasba na kaikaia upla nani kau aisubras nakra nani wal. (Otto René Castillo)

Gabamint pain ba sika yan ai uplika nani ailal ba lilya brisa. (Proverbio africano)

Plawar ma kum wina ma ailal takisa. (Proverbio jordano)

Waitna ailal ba trabil wina laiura sa. (Proverbio chino)

Trabil kau saura ba sika upla bui paskisa. (Sabiduría popular)

Wark nani sika latuan laka kuna tanka lika apia. (Sabiduría popular)

Sinskira ban bas yamni damra walaia kuna munhtara,

tasbara la pura luí dauki ba wan uplika kumi banira. (Ernesto Che Guevara).

¿UPLA RAITKA TA BRABRIRA KUM BA NAHKI KAIA BA?

Ta brabrira/dadaukra
intris tara wal

Sinska param wal, ridi/aitani
kaia ai kaina kat

Ai tanka bri kaia upla raitka
rau sauhkan pyuara

Nusa baike sakaia ani
baikanka ba ai warkka ba wina

Ai karnika wal,
wark takisa

Smalkisa/ai winara sin/

Ai tasbaiyara pawankara
lukisa

Karna sa bara kasak/sa

Brabrira/yaprisauhkanra
wan rayakara wala takaia

Kasak lukisa ai tasbayara

Asla warkkara. yamnisa
kasak palisa wark nani
aikuki daukisa

sinskira/ bara lalka sa



CENIDH BA DIA SA?

Baha sika Nikarawa uplika nani raitka dukiara, kaina kahbaia dukiara sin, bara mairin waitna sut wal baku laka dukiara wark taki aula sa, natka nani sut kiamka nani sut, pawanka nani sutra sin, upla nani sut raitka ba kuntri laka wauhkatayara kulkanka laka tara yabisa, wan kuntri aiskara nu sa naha raitka ba. Baku sin aisanka tara nani tasba wala nani aikuki la daukan bara sa, bara wan Nikarawa tasbaya ta brabrira nani sin sain munansa.



- Makabi wali tanka aisas upla bani la kahban nani ba Upla raitka rausauhkan tawan
- Turbi kaikanka dauks dia daukan sapa la ba bui upla raitka nani rausauhkan ba tawan.
- Ta upla nani tilara diara kum bara sa ki wan kuntri pawanka tanira, wan iwanka aiskara sin, diara yamni kum upla nani sut dukiara.
- Upla nani aikuki aisanka nani paskisa ki wan kuntri bilara tasba walara kabia sin rispik lakara upla raitka tabaikaia dukiara Nikarawa bara tasba aiskara sin.
- Sturi nani aima banira paski bas, manira kabia sin upla raitka Nikarawara ba dukiara
- Upla nanira smalki bas tasbayam aiskara, kwatmas nanira kabia sin, la wihta nani bara upla nani kaina kaiki nanira sin.
- Tabaikanka yaia silp tabaikanka daukaia, ta brabrira nani bak ku. "Padre César Jerez".
- Param sakanka nani daukaia natka nani ailal ku tawan bilara natka nani pliki.
- Plis kum brisma ki tawankam bilara upla nani ba sipsa diara tanka pliki kaikaia upla raitka nani dukiara.

Naha nani sika wan lukankara yu bani bara ba!

- Wan tanka brisa upla nani raitka ba natka sutra, diara kum yamni pali baku wan iwankara wan raitka wal iwina.
- Yawan brinsa wan mairka bara waitnika nani kaikankara pawanka kum bakusa upla sutra.
- Yawan brisa wan mairka bara waitnika nani kaikankara diara tara pali ba baku pana pana karnika baku wan iwanka nani sutra.
- Wan tanka brisa upla nani ba tilarasa baku sin lukisa witin nani ba un ai dukia dauki ai sturka paski waia.
- Yawan lukisa hilp laka kum ba diara tara pali baku tawan kumra pawanka laka kum brih waia sa kaka.
- Rispik laka ba yawan pakisa, kasak lukan wan kupia alki takaskan ka kiamka nanira kaikraskira, prias nanira sin apia bara dia pulitikkara sma sin apia.
- Wan tanka brisa raitka ba, diara kau tara pali baku ban kabia upla nani raitka tilara.
- Yawan laman laka ta baikisa, blahwan laka diara kum tara baku pri laka ba karna daukaia, wan kupia briaia bara aiklabaia rausasauhkra nani mapara.
- Rispik laka ba tabaikisa, wan tnaya kir paskanka aiska ba, natka kum bila kaiki ba baku wan kuntri pawanka dukiara.
- Yawan asla daukisa natka nani ailal wal nahki muni tnata alkaia sinska laka nani silp briaia CENIDH ai bapanka baku ba alki brih waia ba dukiara.
- Wan dara walisa kasak ka ba, ai bisniska ba bara param laka ba wan rayaka tilara bara aslikara sin karna daukaia rispik laka nani yaka wan rayaka sut tilara wabia dukiara.
- Yawan klauna laka brisa, raitka bri ba baku, wal aikuki wan rayaka aiskara yamni kaia un wan wina ba yamni briaia dukiara.
- Yawan lukisa pri laka ba raitka kum sip upla wan mihta dakbras wan rayaka aiskara bara wan kuntri bilara sin.





CENIDH param sakisa Upla raitka nani trabilka dukiara



UPLA NANI RAITKA

Yabal ba



CENIDH turbi param sakisa
ai kaina kat Nikarawa bilara
upla nani raitka ba dukiara



BRIBA

- | | | |
|-----------------------|---|----|
| <input type="radio"/> | Marikanka | 1 |
| <input type="radio"/> | iNaha ba wan raitka! | 3 |
| <input type="radio"/> | Wan sturka nani ria | 10 |
| <input type="radio"/> | Upla daknika nani ai raitka sirpi nani ba wal | 17 |
| | Tuktan sirpi wahma tiara nani wal | 18 |
| | Indian tasbaya bara Siksa nani | 19 |
| | Wark tatakra wawapra nani ai pamali ba wal | 20 |
| | Upla kah Wa nani | 20 |
| | Upla LGTBI nani | 21 |
| | Upla Almurk nani | 22 |
| | Upla VIH/SIDA bri nani | 23 |
| <input type="radio"/> | Nikarawara sipsa wan sturka aiska laki kaikaia | 25 |
| <input type="radio"/> | ¿Nahki wan raitka tabaikisa? | 30 |
| <input type="radio"/> | Raitka nani tasba wala aikuki | 33 |
| <input type="radio"/> | Upla nani raitka aisanka tara ba | 36 |
| <input type="radio"/> | Wan kuntri laka wauhkataya wahya kum kum | 41 |
| <input type="radio"/> | Upla nani raitka ta brabrira ba nahki kaia ba CENIDH
ba dia sa | 59 |
| <input type="radio"/> | CENIDH ba dia sa? | 60 |
| <input type="radio"/> | Naha nani sika wan lukankara yu bani bara ba | 61 |